

道光遵義府志

遵義府志卷二十九

宦績一

宋人州郡之書皆著宦蹟錄紀賢而不載暴章直道  
繁謳思蓋與史傳異也遵義自漢及明中間或統治  
或分理或芟蕩夷砦或鏟平巨兇皆世著令聞功德  
斯土

國家簡任攸司二百年來在此者孰賢孰能在眾口若  
數黑白愚氓顧可欺耶人言可無畏耶今採次前代  
凡著績郡地者遐稽博考彙爲一篇收流後監司守  
土既專管轄析編第二至各姓士官別系專傳其間

通志卷二十一  
稱遺愛者亦略書名概俾同一科云

周秦

李冰

史記河渠書於蜀蜀守冰鑿離堆避沫水

之害穿二江成都之中此渠皆可行舟有餘則用溉  
浸百姓饗其利至於所過往往引其水益用溉田疇  
之渠以萬億計註漢書曰冰姓李犇陽國志周滅後  
秦孝文王以李冰爲蜀守續文獻通考元至順元年  
封冰聖德廣裕英惠王子二郎英烈昭惠顯靈仁祐  
王舊四川通志冰子二郎助父治水厥功懋焉我  
雍正五年封冰爲數澤興濟通祐王二郎爲承績廣

惠顯英王

漢

吳霸

華陽國志

武帝拜唐蒙爲都尉開牂柯因

斬竹王置牂柯郡以吳霸爲太守後夷濮阻城怨恨

竹王非血氣所生求立後嗣霸表封其三子列侯通

志請封其三子爲侯濮夷懼服

陳立 箭漢書西南夷傳成帝河平中夜郎正興

與鈞町王禹漏卧侯俞更舉兵相攻牂柯太守請發

兵誅興等議者以爲道遠不可擊廼遣太中大夫蜀

郡張匡持節和解興等不從命刻木象漢吏立道旁

射之杜欽說大將軍王鳳選任職太守鳳于是薦金城司馬陳立爲牂柯太守立者臨邛人前爲連然長不韋令蠻夷畏之及至牂柯諭告夜郎王興興不從命立請誅之未報廼從吏數十人出行縣至興國且同亭召興興將數千人往至亭從邑君數十人入見立立數責因斷頭邑君曰將軍誅亡狀爲民除害願出曉士眾以興頭示之皆釋兵降鉤町王禹牂牁侯俞震恐人粟千斛牛羊勞吏士立還歸郡興妻父翁指與興子邪務收餘兵迫脅旁二十二邑反至冬立奏募諸夷與都尉長史分將攻翁指等翁指據阨爲

立使奇兵絕其饗道縱反間以誘其衆都尉萬年  
曰兵久不決費不可其引兵獨進敗走趨立營立怒  
叱戲下命格之都尉復還戰立引兵救之時天大旱  
立攻絕其水道蠻夷共斬翁指持首出降立已平定  
西夷徵詣京師會巴郡有盜賊復以立爲巴郡太守  
秩中二千石居賜爵左庶長徙爲天水太守勸民農  
桑爲天下最賜金四十斤入爲左曹衛將軍護軍都  
尉卒官華陽國志序志左衛護軍陳立字少遷厯牂  
柯巴郡天水三郡太守治爲天下最

謝暹

後漢書西南夷傳公孫述時大姓龍傅尹

董氏與郡功曹謝暹保境爲漢乃遣使從番禺江奉  
貢光武嘉之並加褒賞華陽國志聞世祖在河北乃  
遠使使由番禺江出奉貢漢朝世祖嘉之號爲義郎  
劉寵華陽國志字世信縣竹人出自孤微以明  
公羊春秋上計闕下除成都令政教明肅時諸縣多  
難治乃換寵爲郫令又換郫安漢皆垂績還在成都  
遷牂柯太守初乘一馬之官布衣疏食儉以爲教居  
郡九年乘之而還吏人爲之立銘王商陳實當世貴  
士皆與爲友

按士女讚作劉寵而蜀志作龐事同名異未詳孰

是

張亮則

華陽國志字元修南鄭人也爲牂柯太守

威著南土永昌越嶲夷謀欲反畏則換臨其郡相諫

而止號曰卧虎以成狄勳遷護羌校尉

朱博

漢書本傳字子元杜陵人遷大司農坐法

左遷犍爲太守先是南蠻若兒數爲寇盜博厚結其

昆弟使爲反間襲殺之郡中清哀帝初爲大司空丞

相以罪召詣獄自殺

朱遵

華陽國志蜀志犍爲郡公孫述有蜀郡拒

守述伐之郡功曹朱遵逆戰眾寡不敵遵絆馬死戰



遂爲述所并又曰其忠貞則朱遵絆馬必死又序志  
忠壯復漢將軍朱遵字孝仲武陽人

費詩

三國志本傳字公舉犍爲南安人劉璋時

爲縣竹令先主領益州牧以詩爲督軍從事出爲牂  
柯太守還爲益州前部司馬後羣臣議欲推漢中王  
稱尊號詩上疏忤旨左遷部永昌從事建興三年從  
諸葛亮南行蔣琬秉政以詩爲諫議大夫卒于家  
馬忠 三國志本傳字德信閬中人少養外家姓  
狐名篤後乃復姓改名忠 與李廉除漢昌長  
先主東征巴西太守聞芝發諸縣兵五千人以補遺

關道忠送往先主已還永安見志與語謂劉巴曰雖  
亡黃權復得孤篤此爲世不之賢也建興三年亮入  
南拜忠牂柯太守郡丞朱褒反叛亂之後忠撫育卹  
理甚有威惠八年召爲丞相參軍明年亮出祁山忠  
詣亮所經營戎事軍還督將軍張魏等討汶山郡叛  
羌十一年南夷豪帥劉胄反擾亂諸郡徵庾隆都督  
張翼還以忠代翼遂斬胄平南土封博陽亭侯初建  
寧郡都督常駐平夷越嶲郡亦久失土地忠開復舊  
郡延熙五年還朝加拜鎮南大將軍七年春費禪北  
御魏畱忠成都平尚書事禪還忠乃歸南十二年卒

子修嗣忠爲人寬濟有度量但詆調大笑忿怒不形於色然處事能斷威恩并用是以蠻夷畏而愛之及卒莫不自致喪庭流涕盡哀爲之立廟祀迄今猶在華陽國志南中志牂牁郡其郡守垂坊名者前有吳霸陳立後有漢中張亮則廣漢劉寵犍爲費詩巴西馬忠皆著勳烈

晉

何隨華陽國志字季業蜀郡郫人漢司空何武後世有名德徵聘入官隨治韓詩歐陽尙書研精文緯通星厯郡命功曹州辟從事光祿郎中主事除安

漢令到亡去官大同後臺召不詣除河間王郎中不就居貧固儉衣弊蔬食書躬耕耨夕修講誡著譚言十篇論道德仁義太康中卽家拜江陽太守民思其政年七十一卒官後州鄉人言議平當者皆相謂何江陽至于汝山夷有正直廉讓者亦號夷中何江陽杜景文何興仁皆爲作傳

毛楚 華陽國志文立傳同郡毛楚有美德莊柯太守又後賢志目錄莊柯太守毛楚枳人通志爲夷人所信服

侯 馥 華陽國志字世明江陽人也察孝廉平西

參軍薨後巴郡亂避地入牂柯寧州刺史王遜鎮  
平西將軍復取爲參軍遜議欲遷牂柯太守謝恕爲  
涪陵太守出屯巴郡之把口表馥爲江陽太守住江  
陽之沘源撫卹蠻獠克復江陵請通長江雄征東大  
將軍李恭已在江陽馥招降夷獠修繕舟艦爲進取  
計預白遜請軍移恕俱出涪陵不能自前恭舉眾攻  
馥眾寡不敵爲恭所破獲生虜馥送雄雄下廷尉責  
曰事君有死無二其次破家與國今縱不死又無益  
國灰汲其分守心而已無他顧望雄必欲屈之使馥  
同郡人張迎曉喻之馥恕罵迎曰吾等國亡不能存

大難不能死低首海內何面目相見也且王寧州治  
亂才也以吾有桑梓之恥故遠上尚書遣吾討賊受  
命之日實忘寢食但裁船未辦請軍未至牽揣不及  
爲他所先當滅身隕碎以謝不及冀上不負日月下  
不愧王侯吾豈苟生如卿兒女之人乎迎還白雄雄  
義而赦之時雄眾寇所獲犍爲太守建寧魏紀漢國  
太守梓潼文琰巴郡太守巴西黃龕涪陵太守巴西  
趙弼永昌謝俊牂柯文猛皆區區稽顙無如馥者數  
年卒

按通志列馥人物云牂柯人因華陽志筵地牂柯

而誤不足據又載有董霸云永嘉中以平樂太守破牂柯平夷等地考華陽國志曰犍爲太守雷瓘流民陰貢平樂太守董霸破牂柯平夷南廣北降李雄是霸乃叛賊今特削之

又按通志遵義名宦列晉毋雅云巴郡臨江人時西南夷强悍不靖以雅爲夜郎太守殊俗感而化之一統志亦然作毋稚考晉之夜郎郡治夜郎縣地在今烏江東與遵義無涉不應載其太守去之

牛騰 太平廣記百十二引紀聞字思遠朝散大夫  
郊城令棄官從好精心釋教從其志者終身常慕  
陶潛五柳先生之號故自稱布衣公子卽侍中中書  
令河東侯炎之甥末弱冠明經擢第再選右衛騎曹  
參軍少挺異操清儉自守德業過人故王勃等四人  
皆出其門下年壯而侯遇害謫爲牂柯建安丞至牂  
柯素秉誠信篤敬佛道雖已婚宦如戒僧焉口不妄  
談目不妄視言無僞行無頗以是夷獠漸漬其化遂  
大布釋教于牂柯中常攝郡長吏置道場數處居三  
年而莊州獠反轉入牂柯郡人皆殺長吏以應之建



安大豪起兵相應乃劫騰坐于樹下將加戮焉忽有  
夷人持刀斬守者頭乃詈曰縣丞至惠汝何忍害若  
人因置騰于籠中令力者負而走于是兼以孥免事  
解後郡以狀聞詔書還公事許其還歸後宰數邑皆  
計曰受俸其清無以加

羅榮

楊端 二人詳士官傳

宋

田景遷 詳士官傳

李九別 通志字重範濟州團練使謙溥子太平興

國七年擢閣門使高溪蠻田彥伊入寇遣詣辰州與  
韓運使張素荆南劉昌言議允則以蠻徼不足知兵  
悉招輯之稜允則宋史有傳

熊本 宋史本傳字伯通番陽人兒時知學郡守  
范仲淹異其文進士上第爲撫州軍事判官稍遷秘  
書丞知建德縣提舉淮南常平檢正中書禮房事六  
年瀘川羅晏夷叛詔察訪梓夔得以便宜治夷事本  
嘗通判戎州習其俗謂彼能擾邊者介十二村豪爲  
鄉導爾以計致百餘人梟之瀘州其徒股栗願矢死  
自贖本請于朝寵以刺史巡檢之秩明示勸賞皆踊

躍順命獨柯陰一酋不至本合晏州十九姓之眾發  
黔南義軍強弩遣大將王宣賈昌言率以進討賊悉  
力旅拒敗之黃葛下追奔深入柯陰窘乞降盡籍丁  
口土田及其重寶善馬歸之公上受貢職于是烏蠻  
羅氏鬼王諸夷皆從風而靡願世爲漢官奴遷刑部  
員外郎集賢殿修撰同判司農寺神宗勞之曰卿不  
傷財不害民一旦去百年之患至千檄奏詳明近時  
鮮儷焉賜三品服西南用兵蠻中始此渝州南川獠  
木斗叛詔本安撫本進營銅佛垠扼其亢焚積聚以  
破其黨木斗氣索舉濠州地五百里來歸爲四砦九

堡建銅佛埧爲南平軍初熟獠王仁貴以本斗親繫  
獄本釋其縛置麾下至是摧鋒先登大臣議加本天  
章閣待制帝曰本之文朕所自知當典書命遂知制  
誥出分司西京居三年起知滁州改廣州詔爲工部  
侍郎宜州蠻擾邊道除龍圖閣待制知桂州至則諭  
溪洞酋長戒邊吏勿生事請選將練兵代戍益中馬  
以足騎兵宜州遂無事民蔡寶琤易龍蕃與峒戶相  
仇殺欲引兵致討以爲功本質之色動縛而投之海  
蠻夷以爲神

王光祖 宏簡錄字君俞涇原將珪之子也爲真定

鈐轄命與內藏庫使楊萬皆受熊本節度征討渝獠  
分三道進師本疑光祖不爲用使將後軍出黃沙坎  
比發日已暮夜半抵絕頂質明獠望見大駭一鼓而  
潰萬等困於松谿又亟往援出石門斂其險促黔兵  
先登賊舍而去光祖夜泊松嶺上旦始遇萬遂與俱  
還本愧謝上其功第一瀘州夷乞弟犯邊寇戎州兵  
官王宣等戰沒詔光祖從韓在寶會兵討之軍于梅  
嶺夷屯數萬眾欲老我師光祖勸存寶早決戰不聽  
林廣至復從征蕩其巢穴積功至四方館使知瀘州  
初置瀘南安撫使俾兼領邊事聽顯決遷客省使嘉

州刺史歷涇原河東定州路副總管卒

宇文昌齡 宏簡錄字伯修雙流人登甲科調榮州

推官辟經略熊本幹當公事凡攻討招襲建南平諸  
城砦皆出其畫官至寶文閣待制知開封府

王伯庠 致媿集王伯庠行狀字伯禮乾道四年主

管台州崇道觀十二月知閬州五年八月復置秘閣  
改知夔州兼本路安撫夔部曠遠夷夏雜糅皆以餘  
力一新之施黔珍三州與南平軍地接生夷而思州  
則田氏世襲撫御尤難有何思明任鬼師楊震穆會  
等皆豪族動輒疑阻牒訴累興公化之深得其道宣

布威德警曉禍福揭示要束至或親致尺書思明投牒乞藏勝於家傳示子孫楊震得書感泣飲泣盟誓邊境帖息

張商英 宋史本傳字天覺蜀州新津人長身偉然姿采如時玉負氣倨儻豪視一世調通州主簿渝州蠻叛說降其酋辟知南川縣章惇經制夔夷狎侮郡縣吏無敢與其語部使者念獨商英足抗之檄至夔惇詢人才使者以商英告卽呼入同食商英著道上服長揖就坐惇肆意大言商英隨機折之落落出於上意大喜延爲上客

姚渙 宋史本傳字虛州世家長安隋開皇中有  
景徹者以討平瀘夷策功爲普州刺史卒子孫遂家  
普州渙第進士監益州交子務知峽州徙知涪州賓  
化夷多犯境渙施恩信附納酋豪爭羅拜廷下訖渙  
去無警終光祿卿

曹琦 宋史忠義本傳蜀進士也知南平軍被執  
脫身南歸制置辟主管機宜文字聞都統趙安以城  
降就守禦地自經死

劉望之 蜀中著作記合江劉望之紹興進士宰相  
沈該薦其文無塵埃氣召除學官遷秘書省正字著



有觀堂集

楊軫 端十二代孫

楊軾 軾弟

楊粲 軾子

楊价 粲子

楊文 价子並賢勞著績詳土官傳

按明統志人物川貴兩通志名宦漢英後皆列于嘉貞考楊氏自漢英前世著賢勞乃心王室至嘉貞元史載其以囊加台之叛舉全播以降兵賊非弱元室未衰視顏自全大喪前烈觀宋濂纂家傳

下統志所書嘉興事一語不及知明始修統志時  
特就楊氏所呈載之後人相沿不察以致賢否混  
淆又明初獻地楊鑑諸人本無可稱徒以率先歸  
附遂爾濫廁今並削之其本末具士官傳

江彥清 宋史忠義許彪孫傳咸淳二年北兵取開  
州德祐元年瀘守梅應春殺判官李丁孫推官唐奎  
端以城降珍州守將江彥清巷戰死之四川舊志彥  
清巴州人瀘守梅應春以城降元元兵併力攻珍珍  
城陷巷戰死

按通志列彥清元代非又明統志稱彥清守珍州

通志沿之稱爲珍州守亦誤

元

李德輝

牧菴集李忠宣行狀字仲實世居通之路

縣旣就外傳嗜讀書束于貧無以自資輟業十六監  
酒豐州已乃厭糟麴嘆曰志士顧安此耶仕不足以  
匡君福民隱不足以歡親善身兩間之間人壽幾何  
烏可無或有聞死同腐草木也絕少年輩不游召其  
所觀與率一時名公碩儒歲丁未用太傅劉秉忠荐  
徵至潛藩俾侍今皇太子講讀至元八年授中奉大  
夫參知北京行尚書省事九年罷尚書省以故官參

知北京行中書省事皇子安西王有土關中之明年  
奏求輔已改安西王相明年詔以王相撫蜀其年重  
慶猶城守東西川各開樞府合兵數萬圍之德輝元作  
公今改至成都兩府爭遣使咨受兵食方略德輝危  
後同語動之曰宋今旣亡重慶以巨擘之地不降何歸正  
以公輩利其剽殺不得有子女懼而不來耳不然他  
日兵未嘗戰及招討畢某偕中使奉璽書來赦最宜  
正言明告嚴備止攻以須其至反購得軍吏杖之爲  
僞得罪懷之入降水陸之師雷鼓繼進實堅其不下  
也中使不喻詐計竟以不奉明詔反命如是者皆公

輩玩寇疆場心迹之著白者况復軍政不一相訾紛  
紛朝夕敗矣豈能必成功爲哉兩府多致金帛子女  
爲謝曰戎捷與人法令所不禁也讓不受出未至秦  
瀘州畔而重慶圍果潰再退守瀘州十三年秋也明  
年詔爲西川副樞兼王相大軍旣發畱成都供億食  
纔支半月賦粟繼之官船不足括商民船千艘日夜  
督運其年復瀘州十五年重慶之圍再合踰月卽下  
紹興南平夔施思播諸山壁水柵隨之皆下而東樞  
府猶故將也懲前與四川相觀望致敗惡相屬願獨  
軍圍合州初德輝以爲重慶帥聞受圍必徵諸屬州

兵盡銳拒守合州宜虛誠使謀人持書曉之兵隨其  
後卽出合俘繫順慶獄者縱之使歸語州將張珏以  
天子威德遠布宋室淪亡三官皆北又頒聖量含宏  
錄功忘過能早自歸必取將相與夏呂比又爲書反  
覆數千百言又約書言爲檄刊木于山浮板于江珏  
未及報還王邸至是合遣李興張邵十二人者訶事  
成都皆獲之當斬復爲書縱歸使喻其將王立其言  
如喻珏者興至立亦計夙與東府有深怨懼誅復興  
等導帥幹楊獬獲蠟書問至成都降德輝從兵纔數  
百人赴之東府害其來爭有言立珏牙校也習狙詐

不信人特以計致公來使與吾爭垂成之功延命晷  
刻耳未必定降定降公冒吾圍而來受何物視我必  
不汝進德輝曰吾非攘若功者誠懼汝憤其後服誣  
以嘗抗蹕先朝利其剽奪快心於屠城也吾爲國活  
此民豈計汝嫌怒爲哉卽單舸濟江薄城下呼立出  
降安集其民而罷置其吏立德之興金玉飾少艾爲  
謝曰若以吾爲是來耶吾無事乎此其持往餽之東  
府合人自立而下家繪事之川蜀平復以王相還邸  
十七年詔與南省參政程某卽其地聽思播湖南所  
訟鎮遠王平田會西南夷羅氏鬼國叛別詔雲南湖

南四川合兵三萬人誅之前茅及境矣德輝曰蠻夷  
無親爲俗吝貪始由邊將撫之失策積怨以叛好事  
之臣請加兵誅旁諸小夷洵懼相擅繼叛者必眾恐  
非直三萬人能歲月平也吾賴天子仁聖馳一介之  
使招之可坐俟其徠豈必煩兵不及以聞遣安珪止  
三道兵張孝思諭鬼國降其酋阿齊熟公名問曰是  
活合李公耶其人明信可恃卽日受命身至播州降  
語且泣曰吾屬百萬人不非公惠活寧鬪死不降事畢  
驛聞改鬼國爲順元路以其弟阿哩爲宣撫使其年  
王相府罷十一月二十一日始至黃平是夜也星如



斗竇館垣外歎曰他日嘗夢主烏江今播水適名烏  
江與是星皆吾死徵也夫吾嘗誦馬伏波老當益壯  
之言而奇曹武惠爲將不殺得今活羅鬼馬革裹尸  
歸何憾二十七日卒後七日資政大夫中書左丞安  
西行中書省之命下蠻夷望轎車爲位祭且哭者百  
千人塗所經男女空家咨嗟聚觀合之安撫使立衰  
經率吏民迎哭傾振山谷爲發百人護喪達興元上  
聞而悼之贈光祿大夫中書右丞諡忠宣公賜錢二  
千緡具葬明年僉播州安撫司事何彥抗章請卽州  
治之東爲廟制曰可薨年六十二元史本傳改鬼國

後有以受鬼國馬千數詣德輝于朝者帝曰是人朕所素知雖一羊不妄受寧有是耶

李嗣宗 明統志至元末播州 戶守禦勇敢善撫兵眾人咸德之

忙古帶 元史耶律禿花傳忙古帶保童之子世祖時賜金符襲父職爲隨路新軍總管統領山西兩路新軍從行省也連帶兒征蜀及思播建都諸蠻夷有功陞萬戶後歷宣慰使都元帥卒贈龍虎衛上將軍平章政事封濮國公諡威愍

何彥清

明統志

播州安撫使有政績以安西行省

左丞李德輝有德於播率其民立廟祀之

按彥清姚燧牧菴集作彥安撫使作僉安撫事名之脫否不可定其官自以安撫僉事爲確稱安撫使元史駁文明統志仍之誤

楊邦憲 文子

楊漢英 邦憲子並著有勲德詳土官傳

明

鄭彥文 四川舊通志彭縣人元貴州宣慰使洪武

間投誠安撫播貴水西畢節有功擢戶部侍郎守貴州通志山西蔚州人仕元爲萬戶人蜀因家焉後陞

工部右侍郎

馮裕

通志臨朐人進士嘉靖中出守石阡時播

凱交惡裕討平之遷副使罷歸

張瓚

明史本傳字宗器孝感人正統十三年進

士授工部主事遷廣東參政轉浙江左布政使十年  
冬以右副都御史巡撫四川播州致仕宣慰楊輝言  
所屬天壩干灣溪諸寨及重安長官司爲生苗竊據  
請王師進討詔瓚諭還侵地不服則征之瓚率兵討  
定請設安寧宣撫司卽授輝子友爲宣撫以鎮詔可  
賜敕犒勞以母老乞歸母已卒會松茂番寇邊詔起

復視事先後破滅五十二砦賊魁撒哈等皆殲他一百五砦悉獻馬納款諸番盡平瓚功名著西蜀其後撫蜀者如謝士元輩雖有功不及瓚惟天壩千之役或言楊輝溺愛庶長子友欲官之詐言生苗爲亂瓚信而興師其功不無矯飾云

蔡潮 明史鄒文盛傳正德十一年文盛以右副都御史巡撫貴州四川土舍重安馮綸與凱里楊宏有怨宏卒綸糾諸苗相讎殺侵軼貴州境遣參議蔡潮詣播州督宣慰楊斌撫定之請復設安寧宣撫司以宏子襲而錄潮功尙書王瓚以專擅爲潮罪不敘

石邦憲 明史本傳字希尹貴州清平衛人嘉靖七年嗣世職爲指揮使累功進署都指揮僉事充銅仁參將進總兵官鎮貴州播州宣慰楊烈殺長官王黼黼黨李保等治兵相攻且十年總督馮岳與邦憲討平之播州苗盧阿項爲亂邦憲以兵七千編筏渡江直抵磨子崖策賊必夜襲先設備賊至擊敗之賊求援於播州吳鯤諸將懼邦憲曰水西宣慰安萬銓播州所畏也吾調水西兵攻烏江聲楊烈縱鯤助逆罪烈奚暇救人乎已水西兵至邦憲進逼其巢乘風縱火斬關而登賊大奔潰禽賊首父子斬獲四百七十

餘人進署都督同知播州容山副長官土舍韓甸與  
正長官土舍張問相攻甸屢勝遂糾生苗剽湖貴境  
垂二十年間亦糾黨自助邦憲討之斬百餘人問潛  
出被獲官軍乘勝入甸巢會暮大雨迷失道守備葉  
勳百戶魏國相等陷伏中死焉邦憲奪圍出還軍鎮  
遠再征之賊沿江守邦憲佯與爭而別自上流三十  
里編竹以渡水陸並進大破之斬甸容山平進右都  
督已又破白泥土官楊贊及苗酋龍力水等部內帖  
然邦憲生長黔土熟苗情善用兵大小數十百戰無  
不摧破所得俸賜悉以饗土家無贏資爲總兵官十

七年威鎮蠻中與四川何卿唐西沈希儀並稱一時  
名將卒官贈左都督

越昇通志宣慰司人宣德間以經明行修召將  
授館職會播州宣慰司求明經師化夷遂授昇播州  
司訓導卒

楊禮

毛奇齡蠻司合誌成化二十二年丹章諸

苗寇安寧四川參政謝士元副使翟廷蕙都指揮楊  
綱以兵往過播州詣宣慰愛家置酒高會翼日視學  
適州民賽社士元等坐學宮臨觀愛復攜酒至訓導  
楊禮艷然曰視學而觀社提兵而樂酒略等威而款



下屬竊爲明公恥之士元等大慚而起

李崧祥 江南通志貴池人正德甲戌進士累遷四川布政使時世廟多營建蜀民困採木之役崧祥入覲抗疏止之因忤用事者致仕歸

龔輝 獻徵錄字實卿餘姚人嘉靖癸未進士授工部主事以營仁壽宮命督木四川得大木五千餘根板枋如之部劄欲再倍其數公私俱困民情洶洶輝乃繪山川險惡轉運艱苦狀一十五圖各爲貼說具奏命停止厯陞至工部右侍郎致仕

潘貞 江南通志景徵天順進士累進四川按察

使陞布政司貴州苗亂徵兵糧于蜀開府罔知所措  
貞請以苗攻苗發播州之卒應之

楊國柱 李廷棟 萬厯二十七年二月楊應龍敗

官軍於飛練堡二人死之詳後李化龍傳

房家寵 張良賢 陳志二將於萬厯中以參將同

守綦江禦播血戰數十竟以眾寡不敵城陷皆死之

二將死討播之旨始決云

譚希思 湖南通志字子誠茶陵進士晉右副都御

史巡撫四川時播州逆節未露廷議主勦希思獨主

撫云不忍枯萬骨以邀上賞

艾穆

明史本傳字和父平江人以鄉舉署阜城

教諭入爲國子助教萬厯初擢刑部主事進員外郎  
屢遷太僕少卿十九年秋擢右僉都御史巡撫四川  
有告播州宣慰使楊應龍叛者貴州巡撫葉夢熊請  
征之蜀人多言應龍強未易輕舉穆亦不欲加兵與  
夢熊異朝命兩撫臣會勘應龍不願赴貴州乃逮至  
重慶對簿論斬輸贖放之還穆病歸未幾卒後應龍  
復叛議者追咎穆奪其職

沈瑞臨

舊浙江通志字夢錫萬厯丁丑進士陞四

川按察司僉事備兵川東時楊應龍煽動瑞臨練兵

訓武以計討循之終瑞臨任應龍不敢叛未幾以母老終養杜門歛跡精研濂洛之書以承絕學學者稱約菴先生

王士琦 明史王宗沐傳臨海人子士琦進士重慶知府播州宣慰使楊應龍叛承總督邢玠檄至松坎撫定之遂進兵備副使治其地尋擢河南右布政使坐應龍復叛降湖廣右參政

蒲林 舊綦江縣志萬厯二十二年甲午參將郭成總兵劉承嗣征楊應龍至白石口敗績事聞命制府勦撫屢遣官諭以禍福酋負固不出再命綦江縣

知縣蒲林往龍素讐服林見單騎至倒戈以迎隨面  
宣德意約其降待以不死應龍俯首聽命制府尋委  
監司同林往松坎就勘皆款服竟從寬典乃議於安  
穩設安邊同知卽以林陞任應龍旋又擾扶歡坦等  
處林奮身往追卽捲甲去明年秦民袁子昇爲賊大  
仇適繫合江縣獄賊發兵圍之指索子昇當事遣林  
往林說合江出于昇棄一秦囚保全眾億讒忌者卽  
騰謗詔下本省逮勘以此去任而賊益無忌矣綦江  
縣志林字小山陝西咸陽舉人知綦江凡七載廷議  
松坎添設安邊廳卽以林陞授林在安邊同知甫一

載孫紹禹蒲公去思碑丙申陞安邊同知丁酉以讒  
忌去任

李化龍

明史本傳字于田長垣人萬曆二年進士

二十七年總督湖廣川貴軍務兼巡撫四川討播州  
叛臣楊應龍應龍之先曰楊鏗明初內附授宣慰使  
應龍性猜狠嗜殺數從征調恃功驕蹇知川兵脆弱  
陰有據蜀志間出剽州縣雙小妻田雌鳳讒殺妻張  
氏屠其家用誅罰立威所屬五司七姓不堪其害走  
貴州告變巡撫葉夢熊疏請大征詔不聽逮繫重慶  
獄應龍詭將兵征倭自效得脫歸復逮不出四川巡

撫王繼光發兵討覆於白石應龍委罪諸苗朝廷命  
邢玠總督值東西用兵勢未能窮治因招撫之應龍  
益結生苗奪五司七姓地並湖貴四十八屯以畀之  
歲出侵掠是年二月敗官軍於飛練堡都司楊國柱  
指揮李廷棟等皆死已復破綦江殺參將房嘉龍遊  
擊張良賢投屍蔽江下僞軍師孫時泰請直取重慶  
搗成都劫蜀王爲質而應龍遷延聲言爭地界冀曲  
赦如曩時化龍至成都徵兵未至亦謬爲好語縻之  
帝聞綦江破大怒追褫前四川貴州巡撫譚希思江  
東之職而賜化龍劍假便宜討賊賊焚東坡爛橋梗

湖貴路又焚龍泉走都司楊惟忠化龍刻諸大帥不用命者沈尙文逮治童元鎮劉綎皆革職充爲事官諸軍大集化龍先檄水西兵三萬守貴州斷招苗路乃移重慶大誓文武明年二月分八道進兵川師四路總兵官劉綎由綦江總兵官馬孔英由南川總兵官吳廣由合江副將曹希彬受廣節制由永寧黔師三路總兵官童元鎮由烏江參將朱鶴齡受元鎮節制統宣慰使安疆臣由沙溪總兵官李應祥由興隆楚師一路分兩翼總兵官陳璘由偏橋副總兵陳良玘受璘節制由龍泉每路兵三萬官兵三之土司七



之貴州巡撫郭子章駐貴陽湖廣巡撫支可大移沅州化龍自將軍策應帝以楚地遼闊又擢江鐸爲僉都御史巡撫偏沅湖廣設偏沅巡撫自鐸始也推官高折枝先以南川兵進據桑木鎮縉復自綦江入應龍以勁兵二萬屬其子朝棟曰爾破綦江馳南川盡焚積聚彼無能爲也比抗諸路兵皆大敗應龍頓足歎曰吾不用時泰計今死矣或言水西佐賊化龍詰之疆臣斬賊使二氏交遂絕烏江兵敗績逮下元鎮于理諸將益奮縉先入婁山關直抵海龍固璘疆臣兵亦至賊勢急上固死守遣使詐降化龍檄諸將斬

使焚書以絕與應龍有舊諭無通賊縱械其人以自  
明八路兵皆會固下築長圍困之更番迭攻六月縱  
破土月二城應龍窘與二妾俱縊明晨官軍入城七  
子皆被執詔磔應龍屍並子朝棟于市自出師至滅  
賊凡百有十四日播自唐乾符中入楊氏二十九世  
八百餘年至應龍而絕以其地置遵義平越二府分  
屬川貴化龍初聞父喪以金革起復至是乞歸終制  
起工部右侍郎總理河道再以憂去未代敘前平播  
功晉兵部尚書加少保廕一子世錦衣指揮使三十  
五年起戎政尚書一品秩滿加柱國少傅兼太子太

保卒官年七十謚襄毅贈少師加贈太師化龍具文  
武才播州之役以劉綎驕蹇先摧挫之而薦其才故  
綎爲盡力

劉綎 明史本傳字省吾都督顯子勇敢有父風  
用蔭爲指揮使萬厯初從顯討九絲蠻以功遷雲南  
迤西守備十年冬緬甸犯永昌騰越明年擢綎游擊  
將軍綎生擒其魁雲南平進副總兵兵還甲而譟詔  
革綎任以游擊候調尋用爲廣西參將移四川二十  
年召授五軍三營參將會朝鮮用師綎請率川兵五  
千赴援詔以副總兵從征還屬播酋楊應龍作亂擢

綖四川總兵官尋以應龍輸款而青海寇擾特設臨  
洮總兵官移綖任之二十四年火落赤等掠番窺內  
地告捷綖等進秩予廕有差明年朝鮮再用師破之  
進綖都督同知世廕千戶遂移征楊應龍會四川總  
兵官萬鏊罷卽以綖代之時分兵八道川居其四川  
東又分爲二以綦道最要令綖當之應龍熟綖才頗  
懼益兵守要害二十八年正月諸將克丁山銅鼓嚴  
村遂直搗楠木山羊簡臺三峒峒絕險賊將穆照等  
率眾數萬連營諸將憚之綖分兵攻其三面大戰于  
李漢壩生擒其魁餘賊奔入峒乘勢克三關直搗峒

前焚之賊多死盡克三峒擒穆照及賊魁吳尚華是日綖督戰左持金右挺劍大呼曰用命者賞不用命者齒劍鬪死者四十人遂大捷應龍乃遣子朝棟維棟及其黨楊珠統銳卒數萬由松坎魚渡羅古池三道並進綖伏萬人羅古待松坎賊以萬人伏營外待魚渡賊而別以一軍策應賊果至伏盡起綖率部下轉戰斬首數百追奔五十里賊聚守石虎關綖亦掘塹守初綖聞征播命逗留多設難以要朝廷言官交劾議調南京右府僉書綖至是聞之卽辭任總督李化龍以平播非綖不可固留之力薦於朝乃復受事

踰夜郎舊城攻克賊于滴淚三坡瓦窰坪石虎諸隘  
直抵婁山關婁山萬峯插天叢箐中一徑纔數尺賊  
設木關十三座排柵置深坑百險俱備縱分奇兵爲  
左右路間道趨關後而自督大軍仰攻奪其關迨至  
永安莊兩路軍亦會縱老將持重慮賊衝突聯諸營  
一據婁山關爲老營一據白石口爲腰營一據永安  
莊爲前營都指揮王芬者勇而寡謀每戰輒請爲前  
鋒屢勝有輕敵心獨營松門埡之衝距大營數里賊  
方有烏江之勝謀再奪婁山適穆照遣使洩芬孤軍  
狀賊乃襲殺芬守備陳大剛天全招討楊愈亦死失

亡士卒二千人。綆聞，親率騎往救。部將周以德、周敦吉分兩翼夾攻賊，始大奔。追至養馬城而還。是日，應龍幾被獲，乃不敢窺。婁山綆懲前失，劄近關堅壁，且請濟師。踰十日，克後水固營于冠子山，尋會馬孔英、吳廣諸軍逼海龍固。下與諸將共平賊。綆功爲多。初，李化龍薦綆。言官謂綆嘗納應龍賄，使使齎玉帶一黃金百白金千投化龍家爲化龍父所叱投。巡按御史崔景榮家亦如之。化龍景榮竝奏其事。詔革綆任，永不收錄。沒其物于官。已錄平播功，進左都督。世廕指揮使。綆於諸將中最驍勇，所用水鎗刀百二十斤。

馬上輪轉如飛天下稱劉大刀天啟初贈少保世廕  
指揮僉事立祠曰表忠殉節諸臣錄左軍都督府左  
軍都督僉書府事總兵官劉綎南昌人於諸將中最  
驍勇歷平九絲蠻緬甸羅維朝鮮倭播州建昌諸寇  
大小數百戰威名甚著萬曆四十六年四路出師由  
寬佃道進與

大兵戰於阿布達哩岡兵潰戰死有養子招孫突圍出手  
格殺數人力竭死之乾隆四十一年

賜諡忠壯劉綎上揭子及征播州夜郎等咽喉地共五十四  
里除八省兵馬及陳璘吳廣等五大將止得一十六



里外職獨得三十八里攻克四固三關後攻鐵柱關並三十六步其滾杆礮石如雨兵一攔及卽成齏粉至十餘日不克不得已職挺身出班與諸道計議歎血同盟將陳吳李三總兵後路借讓一路地方與職進攻大兵原帶三萬職止帶五千不二日間卽破險固三將下現有兵十餘萬所以能克者有當年章疏塘報及征播全書可考凡此征討已經撫按具題經今三年未蒙核紀夫此舉若以謂功也自宜頒賞以示勸若謂功不足錄亦當明示以免官兵雲霓之望乃所掃除者凶慙所開拓者土地而不以爲功後將

何以使人用命乎故今日非職自侈其功而必云爾者蓋因向年東征云云而征播軍門懸四十萬之賞而職同官兵所領止得六萬破楊酋海龍老囤之後而其餘賞銀竟化爲烏有矣劉氏武功世錄綖本宗侍御史龔杞後父顯贊於劉從其姓後請復姓神宗不許謂復姓則掩乃父功欽賜姓劉卒年六十七其平播時賜功賞銀四千二百兩止給二千兩其餘二千二百兩以遵義仁懷田土酬折作賞後次子佐官貴州都司崇禎中歸居綖功田之在合江者

馬孔英

高折枝

明史馬孔英傳宣府塞外降丁

也積戰功爲寧夏參將萬厯二十四年擢都督僉事  
會大征播州楊應龍詔發陝西四鎮兵令孔英將以  
往兵分八道孔英道南川獨險遠去應龍海龍囤六  
七百里未至重慶推官高折枝監紀軍事請獨當一  
面乃與參將周國柱先以石砭宣撫馬千乘兵破賊  
金筑復督酉陽宣撫冉御龍敗賊于官壩孔英至軍  
平茶邑梅兵亦集軍容甚壯先師期一日入真州用  
土官鄭葵路麟爲鄉道別遣邊兵千扼明月關諸軍  
鼓行前連破四寨次赤崖抵清水坪封寧關破賊營  
十數逼桑木關關內民降者日千計折枝結三大砦

處之禁殺掠降者日眾賊益孤關爲賊要害山險箐  
深賊憑高拒乃令千乘御龍出關左右國柱搗其中  
賊用標槍藥矢銳甚官軍殊死戰奪其關逐北至風  
坎關賊復大敗連破九杵黑水諸關苦竹羊崖銅鼓  
諸寨國柱攻金子坝無一人疑有伏焚空砦十九嚴  
兵以待賊果突出擊敗之孔英乃畱王之翰兵守白  
玉臺衛饒道平茶邑梅兵守桑木關而親帥大軍進  
營金子坝應龍聞桑木關破大懼遣弟世龍及楊珠  
以銳卒劫之翰營之翰走殺饒卒無算平茶兵來援  
賊始退孔英還擊世龍復卻裨將劉勝奮擊賊乃奔

官軍進朗山進蒙子橋深箐蒨翳賊處處設伏悉勦平之應龍益懼遣其黨詐降謀爲內應折枝盡斬之伏以待珠果夜劫營伏發賊驚潰追奔至高坪已奪賊養馬城直抵海龍第二門下賊守兵益多孔英軍已深入而諸道未有至者西陽延綏兵皆退賊躡殺官軍六十人居數日劉綎兵至乃合兵連克海巖海門諸關賊走保固上竟覆滅初總督李化龍尅師期諸將莫利先入孔英所將邊卒及諸土兵皆獷悍監紀折枝勇而有謀故師獨先八道圍海龍諸將以圍後易攻爭走其後孔英獨壁關前錄功進都督同知

世廕千戶久之以總兵官鎮貴州平金筑定番叛苗  
生擒首惡阿包阿牙等已而欲襲黃柏山苗苗知之  
先發敗官兵匿不報又誘執苗酋石阿四稱陣禽冒  
功爲巡撫胡桂芳所劾罷歸卒陳志折枝固始人以  
重慶府推官監紀入播身先行陣策勵士馬自播發  
難以迄蕩平終始不渝敘功第一

吳廣 明史本傳廣東人以武生從軍累著戰功  
萬曆二十五年以副總兵從劉綎禦倭朝鮮領水軍  
與陳璘相犄角俘斬甚眾甫班師大征播州擢廣總  
兵官以一軍出合江副將曹希彬以一軍出永寧受

廣節制廣屯二郎壩大行招徠賊驍將郭通緒迎戰將士襲走之陶洪安村羅村三砦土官各出降他部來歸數萬廣擇其壯者從軍通緒扼穿巖固廣督土漢軍擊破之劉綰馬孔英已入播廣猶頓二郎總督李化龍趣之乃議分四哨進攻巖門別遣永寧女土官奢世績等督夷兵二千扼桑木埡諸要害以防饜道諸將連破數固進營母豬塘楊應龍懼令通緒盡發關外兵拒敵廣伏礮手五百於磨搶埡外南岡下而遣裨將趙應科挑戰埡夾兩山中甚隘通緒橫槩衝應科應科佯北通緒追出埡遇伏急旋馬中礮墜

方躍上他馬伏兵攢刺之殲餘賊大奔官軍逐北賊盡降遂薄巖門徑小止容一騎賊眾萬餘出關拒戰希彬懸賞千金士攀巖競進追至第四關關上男婦盡哭賊黨自殺其魁羅進恩率萬餘人出降其第一關猶拒不下廣乘夜疾進奪其關關內民獻牛酒劉綰馬孔英已入關李應祥陳璘猶在關外廣合希彬軍連戰紅碗水土巖分水關皆捷遂進營水牛塘應龍大懼知廣軍孤深入謀欲襲之乃遣人詐降廣測其詐堅壁以待應龍擁眾三萬直衝大營諸將殊死戰會他將來援賊乃退廣遂與諸道軍逼海龍固賊



詐令婦人乞降哭固上又詐報應龍仰藥死廣信之  
已知其詐急燒第二關奪三山絕賊樵汲賊益窘旋  
與陳璘從固後登應龍急自焚死獲其子朝棟出應  
龍屍烈焰中廣中毒矢矢聲絕而復甦遂以本官鎮  
四川踰年卒初廣之頓二郎也有言其受賄養寇者  
詔謫充爲事官後論功贈都督同知世廕千戶

陳璘

明史本傳字朝爵廣東翁源人萬厯初屢

進署都指揮僉事二十年朝鮮用兵擢充副總兵官  
改協守漳潮坐賄石星罷歸二十五年起故官援朝  
鮮明年擢禦倭總兵官尋令提督水軍論功爲首進

都督同知世應指揮僉事會有征播役命璘爲湖廣  
總兵官由偏橋進副將陳良玘由龍泉受璘節制二  
十八年二月軍次白泥楊應龍子朝棟率衆二萬渡  
烏江迎戰璘前禦之而分兩翼躡其後賊少挫追奔  
至龍溪山賊合四牌賊其拒四牌在江外與江內七  
牌皆五司遺種九股惡苗素助賊璘廣招撫乃進軍  
龍溪偵知賊有伏令游擊陳策用火器擊之賊據險  
矢石雨下璘先登斬小校退者以徇把總吳應龍等  
陷陣賊大潰退四牌保兒圍璘二裨將逼之中伏璘  
募死士從應龍等奮擊賊復潰奔據囤巔夜由山後

遁黎明追及於袁家渡復敗之四牌之賊遂盡三月  
望諸軍爲浮橋渡江知賊將張佑謝朝俸石勝俸等  
營七牌野豬山璘卽夜發抵苦練坪前鋒與戰後軍  
至夾擊之賊敗逃深箐官軍遂入苦菜關會童元鎮  
烏江師敗璘懼請退師總督李化龍不可璘乃進營  
楠木橋次湄潭賊悉聚青蛇長坎瑪瑙保子四固地  
皆絕險而青蛇尤甚璘議同日攻則兵力弱止攻一  
固則三固必相助乃先攻三固次及青蛇良珙師亦  
來會令伏固後別以一軍守板角關防賊逸璘督諸  
將力攻三日賊死傷無算三固遂下青蛇四面陡絕

璘圍其三面，購死士從瑪瑙，後附葛至山背，舉礮賊惶駭。諸軍進攻，焚其茅屋，賊退入園內，木石交下，將士冒死上毀大柵二重，前後擊之，賊大敗，斬首一千九百有奇。七牌之賊亦盡，乃分兵六道攻克大小三渡關，乘勝抵海龍岡。下諸將俱攻岡前，獨水西安疆臣攻其後，相持四十餘日，其下受賊重賄，多與通，且潛以火藥遺賊，故賊不備。其後璘知之，與監軍者謀令疆臣退一舍，璘移其處置鐵牌百餘，距岡丈許。賊強弩無所施，又爲籬板於柵前，賊每夜出劫爲釘傷，不敢復出。應龍勢窮相聚，哭化龍初有令諸將分日

攻六月六日璘與吳廣當進兵璘夜四更銜枚上賊  
鼙睡斬其守關者樹白幟鳴礮賊大驚潰散應龍自  
焚廣軍亦至賊盡平遂移師討皮林皮林在湖貴交  
與九股苗相接有吳國佐者洪州司特峒寨苗也桀  
黠無賴其從父大榮以叛誅國佐收其妾黎平府持  
之急遂反自稱天皇上將其黨石纂太稱太保合攻  
上黃堡誘敗參將黃冲霄追至永從縣殺守備張世  
忠爰而噉之掠屯堡七十餘焚五開南城隋永從圍  
中潮所時方征播州未暇討旣平播偏沅巡撫江鐸  
命璘與良珙合兵討之良珙失利明年鐸移駐靖州

命璘率副將李遇文等七道進璘禽苗酋銀貢等游擊宋大斌攻破特峒焚之國佐逃天浦四十八寨復入古州毛洞追獲之石纂太逃廣西上巖山指揮徐時達誘縛之賊黨楊永祿率眾萬餘屯白冲遊擊沈宏猷等夾攻生禽永祿諸苗悉平征播時璘投賄李化龍家會劉綎使爲化龍父所麾璘使走化龍疏於朝綎獲罪璘獨免後兵部尙書田樂推璘鎮貴州給事中洪瞻祖遂劾璘營求帝以璘東西積戰功卒如樂議貴東西二路苗曰仲家苗盤踞貴龍平新間爲諸苗巨魁在水硤山介銅仁思石者曰山苗紅苗之

羽翼也自平播後貴州物力大屈詰益生心剽掠無  
虛日三十三年冬巡撫郭子章請於朝明年四月令  
璘軍萬人攻水硯遊擊劉岳督宣慰安疆臣兵萬人  
攻西路竝克之乃令璘移新添獨攻東路復克之生  
獲酋十二人斬首三千餘級招降者萬三千餘人部  
內遂靖改鎮廣東卒官先敘平播功加左都督世廕  
指揮使既卒以平苗功贈太子太保再廕百戶

李應祥 明史本傳湖廣九谿衛人以武生從軍積  
功萬曆十三年爲四川總兵官屢加都督同知二十  
八年大征播州貴州總兵官童元鎮逗遛總督李化

龍劾之薦應祥代時分兵八道貴州分烏江興隆二道詔元鎮充爲事官由烏江入應祥由興隆入諸道尅二月望進兵應祥未受事副將陳寅等已連克數固拒賊四牌高固下別遣兵從間道直搗龍水固他將蔡兆吉又自乾坪抵箐岡過四牌賊首謝朝俸營其地四面峭壁深箐前二關賊從高鼓譟官軍殊死戰俘朝俸妻子乘勢抵河畔會烏江敗書聞斂兵不進者旬日及應祥受任益趣諸將急渡寅等乃取他道渡河而潛爲浮橋以濟師諸軍渡賊失險乞降者相繼應祥悉受之賊所恃止黃灘一關壁立衆死守



會賊徒石勝俸等率萬餘人降告曰去黃灘三十里  
有三關入播門戶也先襲破之則黃灘孤難守應祥  
然其計令偕陳寅率精卒四千夜抵關下勝俸以數  
十騎誘開門殲其戍卒黃灘賊懼寅督諸將渡河攻  
關前勝俸由墳林暗渡襲關後賊乃大敗應祥直抵  
海龍固合諸道兵共滅楊應龍播旣平還鎮銅仁明  
年改鎮四川播遺賊吳洪盧文秀等惡有司法嚴而  
遵義知縣蕭鳴世失眾心洪等遂稱應龍有子聚眾  
爲亂應祥偕副使傅光宅捕之盡獲應祥尋卒於官  
以平播功贈左都督世廕千戶應祥爲將謀勇兼資

所至奏績平蜀三大寇功最多

童元鎮 明史本傳桂林右衛人萬歷中爲指揮歷  
遷遊擊將軍歷永寧潯梧參將進副總兵擢署都督  
僉事爲廣西總兵官移鎮貴州二十八年李化龍大  
征楊應龍令元鎮督永順鎮雄泗城諸土軍由烏江  
進元鎮憚應龍久駐銅仁不進屢趣乃行時劉綎吳  
廣諸軍已進羣賊議分兵守其黨孫時泰曰兵分則  
力薄乘官軍未集先破其弱者餘自退矣應龍善之  
聞元鎮發烏江應龍喜曰此易與耳謀縱之渡江密  
以計取監軍按察使楊寅秋言烏江去播不遠宜俟

諸道深入與俱進元鎮不從于是永順兵先奪烏江  
賊遣千餘人沿江叫罵以誘之諸軍旣濟復奪老君  
關前哨參將謝從爵乘勢督泗城及水西兵再拔河  
渡關三月望賊以步騎數千先衝水西軍軍中驅象  
出戰賊多傷俄駕象者斃象反走擲火器者又誤擊  
已營陣亂泗城兵先走崇爵亦走爭浮橋橋斷殺溺  
死者數千人河渡旣敗烏江相去六十里猶未知明  
日參將楊顯發永順兵三百出哨道遇賊數萬咸爲  
水西裝永順兵不之疑賊掩殺三百人亦襲其裝直  
趨烏江烏江軍信爲水西永順軍不設備遂爲賊所

破爭先渡江賊先斷浮橋士卒多溺死顯及二子與  
焉元鎮所部三萬人不存什一將校止崇爵等三人  
江水爲不流貴陽聞警居民盡避入城遠近震動化  
龍用上方劍斬崇爵益徵兵檄鎮雄士官隴澄邀賊  
歸路隴澄者卽安堯臣水西安疆臣弟也軍不與元  
鎮合獨全當事頗疑其通賊寅秋以鎮雄去播止二  
日令搗巢立效澄許之河渡未敗時澄已遣部將劉  
岳王嘉猷攻拔苦竹關及半壩嶺暨敗二將移新站  
賊伏兵大水田別以五千人來襲敗還嘉猷乃揚聲  
搗大水田而潛以一軍拔大夫關直抵馬坎斷賊歸

路與疆臣合賊遂遁會都指揮徐成將兵至合泗城  
土官岑紹勳兵再克河渡關賊將張守欽袁五受據  
長箐萬丈林永順兵擊破之生禽守欽攻清潭洞復  
擒五受會朝議責元鎮敗狀令李應祥并將其軍逐  
合水西鎮雄諸部直抵海龍固竟滅賊兵初興元鎮  
坐逗遛謫爲事官及是逮至京下吏罪當死法司援  
前岑溪功謫戍烟瘴遇赦廣西巡撫戴耀爲請部議  
不許竟卒於戍所

江鐸

明史李化龍傳鐸字士振仁和人登第在

萬歷二年授刑部主事累官山西按察使擢撫偏沅

夾攻楊應龍有功與郭王章皆廕一子世錦衣指揮  
丁母艱去奪情命畱討皮林諸洞蠻平之以勞疾歸  
卒贈兵部右侍郎巡撫偏沅時總督李化龍分八道  
進兵川師四路黔師三路鐸統楚師次黃沙岡一路  
分兩翼由白泥由龍泉夾攻板角關破之再進破碼  
碯長坎保子等岡奪楷木關進屯青蛇岡遂入三渡  
關乘勝直抵海龍岡海龍於諸險中爲最賊負隅時  
暑雨甚蔡箐中多重嵐毒霧師深入而餉不繼鐸改  
長運爲接運每三十里設營置運卒數千前運未行  
後運已束載而待士乃宿飽破土月二城應龍自縊

論功廕一子世錦衣指揮

王鳴鶴

字羽卿淮陰人林桐題羽卿詩後碑云淮

陰王羽卿帥狼山師討

之尋進都督京營汾陽林

桐與之同寅

於戎政

六師堂一自傾蓋誓心

以進則盡忠無負武夫事業退則角巾方袍爲五岳

遊且告予當時與數大將軍進討圍壘時鳴鶴獨當

山右一路爲圍師所急之處攻之急賊備之益力周

旋山谿日日熟籌之至六月五日午夜起將士萬餘

上固方略誓師以破賊而後朝食遂自橫槊先登漏

下五鼓直透山顛挺身大呼將校勇奮齊至喊殺之

聲振撼山谷賊眾披靡一時俱盡乃羽卿遂屏樹以  
俟諸大將軍搜元凶尸擒逆子女妻妾以獻予壯其  
功而與之評曰大兵日仰面進攻賊憑險俯爲之備  
攻難守者易也故弗舉羽卿密乘人之不及夜登出  
人之不意挺身大呼聲若疾雷之不及掩耳羽卿其  
得於法而不囿於法者乎羽卿曰友鳳知言哉遂抵  
掌大笑居無何主上嘉羽卿功命佩征蠻將軍印出  
鎮粵西人臣受知登壇古今奇邁予嘗論盡忠之說  
以別羽卿予尋亦拜命出鎮西川所駐節正播中秋  
初弔海龍山戰場觀形勢問父老咸能指往跡而名



之若山左右則曰王將軍首登路也適當賊進退死  
生之地爾石壁間有羽卿詩朗吟東向呼羽卿羽卿  
往聞開拓勳宏今幸居守善後慨碧水蒼山之顛缺  
喜燕山海龍之炳映易曰師貞丈人其羽卿哉議彤  
盧者不知其孰誰因服羽卿不伐名高重各天離析  
之感乃寄羽卿曰吾弟兄躬承聖天子臨軒授鉞而  
屏翰粵蜀勉旃兩地在今日五岳之盟幸毋忘於異  
時友人林桐附題於詩後

按碑在海龍固詩石已斷蝕不可識特錄林桐書  
後見當日平播之功鳴鶴不在絰下而明史不登

姓名亦不見諸家紀載又可見擢此大敵正非陳  
吳二三大將能專其功當時勲名泯沒者固多也  
楊寅秋 通志字義叔泰和人宰相士奇元孫由進  
士歷遷按察使萬歷中討播之役寅秋監黔蜀兵與  
中丞郭子章計用安氏以剪其羽翼乃檄安疆臣率  
所部兵從沙溪入戰於大水田敗之四方兵始合破  
其巢賊平論功寅秋爲最以勞卒於官子章爲請卹  
立忠勲祠以祀之

卞孔時 程原撰傳孔時字汝行晉壺之後世家江  
東至正末避兵移楚楚亂入蜀居江津父瑤邑廩生

稱長者以嘉靖丁未生時有聲如雷起於寢衆咸辟  
易及長以孝友聞兩尊人疾卽減食諸弟貧不能自  
立者必教養俾至於成人皆至仕宦有弟曰孔周孔  
唯官學博姪曰承憲壬辰進士官吏部皆孝友之驗  
也性剛直不喜隨時疾惡甚嚴才大學博於書無所  
不讀而好談王霸之略萬歷丙子中黃輝榜鄉試第  
三名數上春官不第以父年老七十因以戊戌就職  
試銓部第一人補武昌同知祖制簡選天下貢士同  
知祇二人誠重之也到任後興利除害善政不勝書  
聲稱赫然武昌士庶戴之如父母萬歷己亥播州酋

楊應龍叛廷議川黔楚分路進師以大中丞李化龍  
總之駐重慶大將軍劉綎等繇蜀大將軍陳璘等繇  
楚楚撫江鐸請於朝以孔時孔時原文皆稱公今改稱名後同監璘  
軍從白泥入庚子四月破青龍囤三渡關大戰壁大  
水田焚桃溪庄八路俱集海龍囤賊勢急水西酋安  
疆臣與應龍世姻戚亦繇落蒙壁海龍囤後數與賊  
通賊因專力備囤前孔時知之計當事夜易陳璘吳  
廣兵急攻之遂破賊應龍自焚死俘酋子楊國棟等  
庚子六月二十四也大璫陳寧以礦稅奉上命來楚  
寧大得幸能呼吸變冬夏勢甚薰灼楚當事皆欲屈

已事之孔時力持不可先入謁卒與抗賓主禮比眾  
人惟司李滿朝薦如約璫頷之時稅礦驟臻每省各  
有璫而楚璫善聚斂猶當上心故楚稅尤橫舉國騷  
然親王院道束手而已孔時又力禁之遇璫役恣縱  
輒加扑責仍面斥璫投揭兩院求合疏爲百姓請命  
不應因列其狀於朝璫大失望武昌民吳良球家富  
鉅萬田遍郡邑璫利之有所要不遂遂疏球逋賦下  
撫院委孔時踏丈良球田又直之得不坐璫忿甚遂  
以阻撓稅法特劾孔時事連滿朝荐上震怒庚子冬  
月遣緹騎逮治方開讀百姓數萬聚哭爭毆緹騎殆

幾又羣趨瑞署欲甘心焉孔時以身衛瑞泣諭禍福  
瑞得不死因叩頭謝曰初不知公如是好人也百姓  
擁孔時不得行夜覓漁舟趨金陵赴都下北鎮撫司  
旋改刑部獄吏部尚書孫丕揚都給事中許宏綱給  
事中孫繼善等交章數十上有江漢之間難忘者德  
播酋之役未酌者功之語閣臣葉向高屢疏請釋孔  
時及滿朝荐等俱不省是時上靜攝幾二十載厭聽  
政故瑞惡雖未得肆而孔時之羈禁猶經十三年之  
久也四十年壬子八月聖壽節居輔臣葉向高疏陳  
目前急務一請補閣部九卿一請起林下廢棄一請

釋久繫五臣疏奏杜門不出以去就爭之癸丑春與  
滿朝荐等始得釋又以國本未定投揭內閣事聞欲  
復逮治賴葉輔左右之獲免庚申光宗卽位召起天  
啟辛酉補南京刑部郎先是畱都有冤獄不決繫者  
禱於神曰遇卞而明不知何指孔時至立昭雪甲申  
陪典雲南參政時魏璫擅政孔時鬱鬱不樂方欲有  
所建白銓部郎王任傑以孔時素仇璫阿忠賢旨左  
遷漢陽府知府越二日疾卒於刑部任未卒前數日  
有大星墜於署臨絕復有聲如雷轟正寢目瞑聲始  
息云南部爲之罷市崇禎三年有旨下部議謚卹裔

孫卡先傳貧窘格不行其著述甚富詩奇雅雄壯輩  
復亭爲之序甲申蜀大亂先傳死盡付灰燼惟同郡  
大學士王應熊得其序文一二首錄以傳孔時爲人  
頥而長銳上豐下精彩懾人讀書至老不倦負經世  
大略一時謂如漢汲黯宋唐介而才百十過之行事  
襍見神廟紀載惟剛直不阿故坎壈終其身學不遭  
時君子惜之外史氏曰孔時官未一載而勲西南庚  
子六月捷上十二月獻俘甲辰春敘播功文武各進  
級蔭子而孔時卽以庚子冬得禍當其忠介不回忘  
身爲國豈復有性命功名之念足以動其中與光宗



恭巳南面天啟閣豎奸鼎得卒官幸也然浩氣一往  
震盪天下才雖不竟夫何傷乎江津縣志祀鄉賢

郭子章 通志字相奎號青螺泰和人隆慶辛未進

士萬歷二十七年巡撫貴州歷十年習知民隱凡所  
設施永垂利澤尤善獎拔士類經其品題率成名宿  
著黔記六十卷經濟卓然先是播酋楊應龍作亂王  
師屢征不克天子拊髀廷臣交薦子章匹馬入黔增  
兵餉扼要害立賞格士氣百倍興師才百餘日擒應  
龍誅之播州平始經理播州爲平越等郡縣未幾復  
有皮林之役功與播等黔人戴恩建生祠七所三十

五年陳情終養疏九上始得請晉兵部尙書

李楷 毛奇齡繼司合誌貴州誌始播發難時皮

林苗嘗助逆播滅乃結連他寨講營陣攻破永從縣

燬城郭廬舍殺官吏劫獄囚去萬歷二十八年沅撫

江鐸廉指揮李楷智勇請授楷勦事會楷征播還自

謂當便道掃除不煩專兵其明年破之諸洞悉平

張文耀 巴縣志字芝陽湖廣沅陵人萬歷丁丑進

士初任銅梁調巴縣癸未擢御史尋兵備川東平播

之役制撫軍駐節渝城調遣轉輸多賴之播平晉秩

憲長量田賦公私之額盈縮之制皆其更定善後之

功居多

按通志耀作燿

張棟

陳志萬歷中以參議監軍入播倭儻慨

洞曉兵機激發將士破固之日督戰陣前終日不食  
竟以勞瘁病凱旋出播百里而卒通志直隸人

王象乾

陳志山東新城人文武家傳最嫻方略以

總督撫蜀善後播事凡播中分設郡縣更置牧守則  
壤田賦一切選賢任能使之辦理駐節渝中以監臨  
之至於殫心以期復播故疆不啻任若家事尋以外  
艱去播人祠祀之四川通志萬歷間播人吳洪假楊

應龍後聚眾沙溪連結水西爲叛時象乾爲四川巡撫設方略討平之通志字霽宇嘉靖時參議重光孫隆慶辛未進士萬歷辛丑以總督代李化龍經理善後事一切皆盡心爲之進右都御史父之垣官戶部左侍郎卒連章告歸瀕行疏水西安氏必叛天啟中果有安奢之變後進少師兵部尚書卒贈太師黃如龍通志鎮遠縣人萬歷間平播州累功官參將天啟二年從征水西內莊戰沒事聞贈都督僉事祀忠烈廟

徐大鵬

龍游縣志字翔雲少負膂力麻貴劉綎將

兵征倭荷戟從之渡海屢戰悉捷播酋楊應龍反經往征討以大鵬爲前驅直入婁山平其地以功累授總兵崇禎己巳上書斥兵部尙書張鳳翼誤國首輔溫體仁黨蔽之罪繫獄將斬會鳳翼得罪遂未減戍榆林赦歸年九十四終於家

陳大綱 寧波府志大綱世襲寧海衛千戶萬歷二十八年調征川寇楊應龍至婁山關與賊奮戰陣亡贈都督僉事廕一子指揮世襲

按大綱明史劉綎傳作大剛

龔萬祿

明史忠義本傳貴州人目不識書有膽志

賜諡烈愍

膂力過人從劉綎征楊應龍先登海龍圍署守備戍建武所奢崇明反官軍敗於江門賊四面來攻萬祿力戰三日手刃數十人與子崇學竝死詔贈都督僉事立祠賜祭世廕百戶殉節諸臣錄乾隆四十一年

李伯山

瀘州志萬歷二十六年以廕生從總督李

化龍征播賊累戰功崇禎三年授貴州安順總兵官七年援勦闖賊于鄖陽陣亡詔贈鎮國將軍諡武肅

傅良諫

巴縣志字忠所江西臨川進士萬歷初知

重慶府廉能有聲遷副使平播之役與有勞焉

蕭芬涇縣志萬歷間以吏目量移大寧主簿播  
寇楊應龍叛督師邢玠知芬材徵至軍前芬單騎如  
賊營諭以利害遂降之播平題巴縣丞未幾楊酋復  
叛欲取重慶芬署巴令任轉運催遣卓有程憲寇滅  
陞南川令未任卒

盛世承江南通志字以烈桐城人萬歷丁丑進士  
擢四川左布政使會有事於播播平又爲善後策蜀  
人賴之

崔景榮明史本傳字自強長垣人萬歷十一年進  
士巡按甘肅湖廣河南最後按四川積臺資十八年

播州亂監大帥劉綎吳廣輩軍綎馳金帛至景榮家  
爲其父壽景榮上疏劾之播州平或請以播北畀安  
氏景榮持不可會總督李化龍憂去景榮爲請調蜀  
一歲租卹上東五路罷礦使化龍叙監軍功不及景  
榮已晉太僕少卿

王大經 明史忠義傳王寅錢塘人以父征播功爲  
千戶舊浙江通志王寅山陰人以父大經征播功襲  
紹所千戶

秦衍祚

明史朱燮元傳副總兵等攻克遵義

朱燮元

明史本傳字懋和浙江山陰人萬歷二十



年進士除大理評事遷四川副使謝病歸起移四川  
右布政使天啟元年就遷左將入覲會永寧奢崇明  
反蜀王要燹元治軍永寧古蘭州地奢氏猱獾種也  
洪武時歸附世爲宣撫使傳至崇周無子崇明以疏  
屬襲外恭內陰鷺子寅尤驍桀好亂時詔給事中明  
時舉御史李達徵川兵援遼崇明父子請行先遣土  
目樊龍樊虎以兵詣重慶巡撫徐可求汰其老弱餉  
復不繼龍等遂反殺可求及參政孫好古總兵官黃  
守魁等時舉達負傷遁時九月十有七日也賊遂據  
重慶播州遺孽及諸亡命奸人蠭起應之賊黨符國

禎襲陷遵義列城多不守崇明僭偽號設丞相五府  
等官統所部及檄外雜蠻數萬分道趨成都陷新都  
內江盡據木枰龍泉諸隘口指揮周邦太降冉世洪  
雷安世瞿英戰死成都兵止二千餉又絀燹元檄徵  
石砭羅綱龍安松茂諸道兵入援斂二百里內聚入  
城偕巡按御史薛敷政右布政使周著按察使林宰  
等分陴守賊障革裹竹牌鈎梯附城壘土山上架蓬  
華伏弩射城中燹元用火器擊卻之又遣人決都江  
堰水注濠賊治橋得少息因斬城中通賊者二百人  
賊失內應賊四面立望樓高與城齊燹元命死士突

出擊斬三賊帥燔其樓既而援兵漸集登萊副使楊  
述程以募兵至湖廣遂合安綿副使劉芬謙石砭女  
土官秦良玉軍敗賊牛頭鎮復新都他路援兵亦連  
勝賊然賊亦愈增曰發塚擲枯骸忽自林中大譟數  
千人擁物如舟高丈許長五十丈樓數重牛革蔽左  
右置板如平地一人披髮仗劍上載羽旗中數百人  
挾機弩毒矢旁翼兩雲樓曳以牛俯瞰城中城中人  
皆哭燹元曰此呂公車也乃用巨木爲機關轉索發  
礮飛千鈞石擊之又以大礮擊牛牛返走敗去有諸  
生陷賊中遣人言賊將羅象乾欲反正燹元令與象

乾俱至呼飲戍樓中不脫其佩刀與同卧酣寢象乾  
誓死報復縋而出自是賊中舉動無不知乃遣部將  
詐降誘崇明至城下伏起崇明跳免會諸道援軍至  
樊元策賊且走投木牌數百錦江流而下令有司沉  
舟斷橋嚴兵待象乾因自內縱火崇明父子遁走瀘  
州象乾遂以眾來歸城圍百二日而解初朝廷聞重  
慶變卽擢樊元僉都御史巡撫四川以楊愈懋爲總  
兵官而擢河南巡撫張我續總督四川貴州雲南湖  
廣軍未至而成都圍解官軍乘勢復州縣衛所凡四  
十餘惟重慶爲樊龍等所據其地三面阻江一面通

陸副使徐如珂率兵繞出佛圖關後與良玉攻拔之  
崇明發卒數萬來援如珂迎戰檄同知越其杰躡賊  
後殺萬餘人監軍僉事戴君恩令守備金富廉攻斬  
賊將張彤樊龍亦戰死帝告廟受賀進君恩三官燹  
元所遣他將復建武長寧獲僞丞相何若海瀘州亦  
旋復先是國禎陷遵義貴州巡撫李櫟已遣兵復之  
永寧人李忠臣嘗爲松潘副使家居陷賊以書約愈  
懋爲內應事覺合門遇害賊卽用其家僮給愈懋襲  
殺之并殺順慶推官郭象儀等再陷遵義殺推官馮  
鳳雛當是時崇明未平而貴州安邦彥又起安氏世

有水西宣慰使安位方幼邦彥以故得信亂朝議錄  
燹元守城功加兵部侍郎總督四川及湖廣荆岳鄭  
襄陝西漢中五府軍務兼巡撫四川而以楊述中總  
督貴州軍務兼制雲南及湖廣辰常衡永十一府代  
我續共辦奢安二賊然兩督府分閩治軍川貴不相  
應賊益得自恣三年燹元謀直取永寧集將佐曰我  
久不得志於賊我以分賊以合也乃盡掣諸軍會長  
寧連破麻塘坎觀音庵青山崖天蓬洞諸砦與良玉  
兵會進攻永寧擊敗奢寅於土地坎追至老軍營涼  
金鋪盡焚其營寅被二鎗遁焚虎亦中鎗死復追敗

之橫山入青岡坪抵城下拔之禽叛將周邦太降賊  
二萬副總兵秦衍祚等亦攻克遵義崇明父子逃入  
紅崖大囤官軍蹙而拔之連拔天台白崖楠木諸囤  
撫定紅潦四十八砦賊奔入舊蘭州城五月爲參將  
羅象乾所攻克崇明父子率餘眾走水西龍場容仲  
壩倚其女弟奢社輝以守初賊失永寧卽求救於安  
邦彥邦彥遣二軍窺遵義永寧燹元敗走之總兵官  
李維新等遂攻破容仲巢崇明父子竄深箐維新偕  
副使李仙品僉事劉可訓參將林兆鼎等搗龍場生  
禽崇明妻安氏弟崇輝寅國禎皆被剗走錄功進燹

元右都御史時蜀中兵十六萬土漢各半漢兵不任戰而土兵驕淫不肯盡力成都圍解不卽取重慶重慶復不卽搗永寧及永寧蘭州竝下賊失巢穴又縱使遠竄大抵土官利養寇官軍效之賊得展轉爲計崇明父子方窘甚燹元以蜀已無賊遂不窮追永寧旣拔拓地千里燹元割膏腴地歸永寧衛以其餘地爲四十八屯給諸降賊有功者令歲輸賦於官曰屯將隸於敘州府增設同知一人領之且移敘州兵備道於衛城與貴州參將同駐蜀中遂靖而邦彥張甚四年春陷貴州巡撫王三善軍沒明年總理魯欽敗



於織金貴州總督蔡復一軍又敗廷臣以三善等失  
事由川師不協助議合兩督府乃命爕元以兵部尙  
書兼督貴州雲南廣西諸軍移鎮遵義而以尹同臯  
代撫四川爕元赴重慶邦彥偵知之六年二月謀乘  
官軍未發分犯雲南遵義而令寅專犯永寧未行寅  
被殺乃已寅凶淫甚有阿引者受爕元金錢乘寅醉  
殺之寅旣死崇明年老無能爲邦彥亦乞撫爕元聞  
於朝許之乃遣參將楊明輝往撫爕元旋以父喪歸  
偏沅巡撫閔夢得來代先是貴州巡撫王瑛謂督臣  
移鎮貴陽有十便朝議從之夢得乃陳用兵機宜請

自永寧始次營市摩泥赤水百五十里皆坦途赤水  
有城可屯兵進白巖層臺畢節大方僅二百餘里我  
旣宿重兵諸番交通之路絕然後貴陽遵義軍剋期  
進賊必不能支疏未報夢得召還代以尙書張鶴鳴  
議遂寢鶴鳴未至明輝奉制書僅招撫安位不云赦  
邦彥邦彥怒殺明輝撫議由此絕鶴鳴視師年餘未  
嘗一戰賊得養其銳崇禎元年六月復召燮元代之  
兼巡撫貴州仍賜尙方劍錄前功進少保世廕錦衣  
指揮使時寇亂久里井蕭條貴陽民不及五百家山  
谷悉苗狎而將士多殺降報功苗不附燮元招流移

廣開墾募勇敢用夢得前議檄雲南兵下烏撒四川兵出永寧下畢節而親率大軍駐陸廣逼大方總兵官許成名參政鄭朝棟由永寧復赤水邦彥聞之分守陸廣鴨池三岔諸要害別以一軍趨遵義自稱四裔大長老號崇明大梁王合兵十餘萬先犯赤水燹元授計成名誘賊至永寧乃遣總兵官林兆鼎從三岔入副將王國禎從陸廣入劉養鯤從遵義入合傾其巢邦彥恃勇擬先破永寧軍還拒諸將急索戰四川總兵官侯良桂副使劉可訓遇賊十萬於五峰山桃紅壩大破之賊奔據山巔諸將乘霧力攻賊復大

敗又追敗之紅土川邦彥崇明皆授首時二年八月  
十有七日也捷聞帝大喜以成名與良柱爭功賞久  
不行烏撒安效良死其妻安氏招故霑益土酋安遠  
弟邊爲夫負固不服爕元乘兵威脅走邊遂復烏撒  
爕元以境內賊略盡不欲窮兵乃檄招安位位不決  
爕元集將吏議曰水西地深險多箐篁蠻烟棘雨莫  
辨晝夜深入難出今當扼其要害四面迭攻賊乏食  
將自斃於是攻之百餘日斬級萬餘養鯤復遣人入  
大方燒其室廬位大恐三年春遣使乞降爕元與約  
四事一貶秩二削水外六目地歸之朝廷三獻殺王

巡撫者首四開畢節等九驛位請如約率四十八日出降燹元受之貴州亦靖遂上善後疏曰水西自河以外悉入版圖沿河要害臣築城三十六所近控蠻苗遠聯滇蜀皆立邸舍繕郵亭建倉廩賊必不敢猝入爲寇鳴池安莊傍河可屯之士不下二千頃人賦土使自贍鹽酪芻焚出其中諸將士身經數百戰咸願得尺寸地長子孫請割新疆以授之使知所激勸帝報可初崇明邦彥之死實川中諸將功而黔將爭之燹元頗右黔將屢奏於朝爲四川巡按御史馬如蛟所劾燹元力求罷帝慰留之其冬討平定番鎮寧

叛苗乃通威清等上六衛及平越清平偏橋鎮遠四  
衛道路凡一千六百餘里繕亭障置游徼貴陽東北  
有洪邊十二馬頭故宣慰朱嗣殷地也嗣殷以助邦  
彥被勦滅乃卽其地置開州又奏復故施秉縣招流  
民實之四年阿迷州土官普名聲作亂陷彌勒州曲  
江所又攻臨安及寧州遠近震動巡撫王伉總兵官  
沐天波不能禦伉逮戍爕元遣兵臨之遂就撫龍場  
壩者隣大方邦彥以假崇明崇明旣滅總兵侯良桂  
欲設官屯守以自廣而安位謂已故地數舉兵爭爕  
元不之禁會爕元劾良桂不職良桂亦訐爕元曲庇

安氏納其重賄章下四川巡按御史劉宗祥宗祥亦劾燮元受賄且以龍場永寧不置邑衛爲欺罔帝以責燮元燮元乃上言禦夷之法來則安之不專在攻取也今水西已納款惟明定疆界俾自耕牧以輸國賦若設官屯兵此地四面孤懸中限河水不利應援築城守渡轉運煩費且內激蘭州必死之鬪外挑水西扼吭之嫌兵端一開未易猝止非國家久遠計帝猶未許後勘其地果如所議論桃紅壩功進少師世廕錦衣指揮僉事十年安位死無嗣族屬爭奪

議又欲郡縣其地燹元力爭遂傳檄土目布上威德  
諸蠻爭納土獻重器燹元乃裂疆域眾建諸蠻復上  
疏曰水西有宣慰之土有各目之土宣慰公土宜還  
朝廷各目私土宜畀分守籍其戶口徵其賦稅殊俗  
內嚮等之編氓大方西溪谷里北那要害之地築城  
戍兵足銷反側夫西南之境皆荒服也楊氏反播奢  
氏反蘭安氏反水西滇之定番小州耳爲長官司者  
十有七數百年來未有反者非他苗好叛逆而定番  
性忠順也地大者跋扈之資勢弱者保世之策今臣  
分水西地授之酋長及有功漢人咸俾世守虐政苛



效一切蠲除參用漢法可爲長久計因言其便有九  
帝咸報可無何所撫土目有叛者諸將方國安等軍  
敗爕元坐貶一秩已竟破滅之十一年春卒官年七  
十三爕元長八尺腹大十圍飲啖兼二十八鎮西南  
外軍費贖緩歲不下數十萬皆籍之於官治事明決  
軍書絡繹不假手幕佐行軍務持重謀定後戰尤善  
用間使人各當其材犯法卽親愛必誅有功廝養不  
遺賞也馭蠻以忠信不妄殺苗民懷之初官陝西時  
遇一老叟載與歸盡得其風角占候遁甲諸術將別  
語爕元曰幸自愛他日西南有事公當之矣內江牟

康民者帝士也兵未起時語人曰蜀且有變

朱公乎已而果然

李 樞

明史本傳字長孺鄞人登萬歷二十九年

進士授行人擢御史例轉廣東鹽法僉事歷山東參議陝西提學副使山東參政按察使四十七年秋擢右僉都御史巡撫貴州貴州宣慰同知安邦彥者宣慰使堯臣族子堯臣死子位幼其母奢社輝代領其事社輝永寧宣撫奢崇明女弟也邦彥遂專兵柄會朝議徵西南兵援遼邦彥素桀黠欲乘以起事詣樞請行檄諭止之邦彥歸益爲反謀樞累疏請增兵益

餉中朝方急遼事置不問會檣被劾乃大疏乞休天  
啟元年始得請以王三善代而奢崇明已反重慶陷  
遵義貴陽大震檣遂畱視事時城中兵不及三千倉  
庫空虛檣與巡按御史史永安貸雲南湖廣銀四萬  
有奇募兵四千儲米二萬石治戰守具而急遣總兵  
官張彥方都司許成名黃運清監軍副使朱芹提學  
僉事劉錫元等援四川屢捷遂復遵義綏陽湄潭真  
安桐梓二年二月或傳崇明陷成都邦彥遂挾安位  
反自稱羅甸王四十八支及他部頭目安邦俊陳其  
愚等蠭起相應烏撒土目安效良亦與通邦彥首襲

畢節都司楊明廷固守擊斬數百人效良助邦彥陷其城明廷敗歿賊遂分兵陷安順平壩效良亦西陷霑益而邦彥自統水西軍及羅鬼苗仲數萬東渡陸廣河直趨貴陽別遣王倫等下甕安襲偏橋以斷援兵洪邊土司宋萬化糾苗仲九股陷龍里檮永安聞變亟議城守會潘泉守令咸入覲而彥方鎮銅仁運清駐遵義城中文武無幾人乃分兵爲五令錫元及參議邵應禎都司劉嘉言故副總兵劉岳分禦四門檮自當北門之衝永安居譙樓團街市兵防內變學官及諸生亦督民兵分堞守賊至盡銳攻北城檮迎

戰敗之轉攻東門爲錫元所卻乃日夕分番馳突以  
疲官兵爲三丈樓臨城用婦人雞犬厭勝術檣永安  
烹彘糴斗米飯投飼雞犬而張虎豹皮於城樓以祓  
之乃得旋礮石夜縋死士燒其樓賊又作竹籠萬餘  
土壘之高踰睥睨永安急撤大寺鐘樓建城上賊棄  
籠去官軍出燒之數出城邀賊糧賊怒盡發城外塚  
徧燒村砦又先後攻陷廣州普定威清普安安南諸  
衛貴陽西數千里盡爲賊據初被圍彥方運清來敗  
賊於新添賊誘入龍里二將皆敗乃縱之入城曰使  
耗汝糧城中果大困川貴總督張我續巡撫王三善

擁兵不進。檄永安連疏告急。詔旨督責之。會彥方等  
出戰。頻得利。賊退保澤溪。乃遣裨將商士傑等率九  
千人分控威清。新添二衛。且乞援兵。賊謂城必拔。沿  
山列營柵。隔內外。間旬日一來攻。輒敗去。副總兵徐  
時逢參將范仲仁赴援。遇賊。甕城河。仲仁戰不利。時  
逢擁兵不救。遂大敗。諸將馬一龍。白自强等殲焉。援  
遂絕。賊聞三善將進兵。益日夜攻擊。長梯蟻附。城幾  
陷者數矣。檣奮一呼。士卒雖委頓。皆強起斫賊。賊  
皆顛踣死。城下王三善屢被嚴旨。乃率師破重圍而  
進。十二月七日抵貴陽城。下圍始解。檄乃辭兵事。解

官去三善旣破賊我續無寸功乾沒軍資六十萬言  
官交劾解職候勘我續邯鄲人刑部尙書國彥子其  
後竄緣魏忠賢起戶部侍郎進尙書名麗逆案云方  
官廩之告竭也米升直二十金食糠覈草木敗草皆  
盡食死人肉後乃生食人至親屬相噉彥方運清部  
卒公屠人市肆斤易銀一兩檣盡焚書籍冠服預戒  
家人急則自盡皆授以刃續城中戶十萬圍困三百  
日僅存者千餘人孤城卒定皆檣及永安錫元功熹  
宗用都御史鄒元標言進檣兵部右侍郎永安太僕  
少卿錫元右參政及圍解當再叙功御史蔣允儀言

安位襲職時檣索其金盆致啟釁章下貴州巡按侯  
恂覈未報御史張應辰力頌檣功恂覈上亦白其誣  
帝責允儀初永安遣運清往新添平越趣援兵懼其  
不濟欲出城督之錫元疑永安有去志以咨檣檣止  
永安及錫元當絕食時議發兵護檣永安出城身畱  
死守永安亦疑錫元而運清因交構其間三人遂相  
失永安詆錫元議畱身守城欲輸城於賊檣亦與謀  
兩人上章辨吏部尚書趙南星左都御史孫瑋等力  
爲三人解而言永安功第一當不次大用檣已進官  
當召還錫元已進參政當更優敘詔可之然檣竟不



召錫元亦無他擢二人竝還里獨永安在朝連擢太常卿右領都御史巡按臨夏再以兵部右侍郎總督三邊檣及諸將吏功迄不敘六年秋御史田景新頌檣功不納崇禎元年給事中許譽卿再以金盆事劾檣帝召台廷臣獨御史毛羽健爲檣解吏部尙書王永光等議如羽健言給事中余昌祚詆羽健曲庇帝下川貴總督朱燦元等再覈羽健乃上疏曰安奢世爲婚姻同謀已久奢寅寇蜀邦彥卽寇黔何用激變當貴陽告急正廣寧新破之日舉朝皇皇已置不問後知檣不死孤城尙存始命王三善往救至則圍已

十月安酋初發難崇明欲取成都作家邦彥欲圖貴陽爲窟西取雲南東擾偏沅荆襄非檣扼其衝東南盡塗炭乃按臣永安不二三載躋卿貳督師三邊檣則投間林壑又以永安謗書爲檣罪案金盆之說發自允儀當年已自承風聞何至今猶執爲實事貴州人亦爭爲檣頌冤燹元乃偕巡按御史趙洪範交章雪其枉檣事始白九年冬敘守城功進一秩賚銀幣久之卒於家

侯采

南溪縣志

良桂姪天啟元年沙酋叛給把

總劄隨良桂征勦恢復綦桐五年授守備累功陞總

兵官

國朝定蜀繳

還印信順治九年卒年八十三

劉臣武

陳志敘南世裔有文武才天啟中奢酋亂

同兵備

還盧安世恢遵義列功授守備職遂家於紫

霞山之

鹿賑卹孤寒義方訓子卽遇荒亂子孫弦誦

不輟年

七十八卒

張奏凱

四川舊志綦江人天啟四年征播有功

授川北

副總兵復拒闖賊陞天柱總兵會獻賊攻成

都奏凱

守東門城陷死難勝朝殉節諸臣錄乾隆四

十一年

賜諡烈愍

王祥

綦江縣志思里人家世儒素至祥獨沉毅

果敢膂力邁等夷崇禎初入品武庠恆於馬上挽強  
弓翻身作霹靂響邑令甚器重之勸入營伍因爲九  
盤子臨官祥見中原盜賊蜂起益畱心韜略招集精  
兵時操演以待徵調甲申三月燕京之變祥抱胸大  
哭卽起義師慷慨申誓期刻日赴難不虞巨賊張獻  
忠已由夔門入直破渝州趨成都全川覆沒祥駐綦  
數十日南北聲息不相聞兼賊氛甚囂因還據遵義  
遵義設未久城郭不備祥急切補修遣兵分守關隘

賊佔成都後掠全川郡縣惟畏祥不敢近蜀東南半  
角得以保全順治二年乙酉明福王命大學士王應  
熊總督川湖雲貴軍務專辦川寇時蜀中諸郡破壞  
唯遵義獨完善應熊由綦馳而往祥數十里郊迎執  
手悲切諸軍政聽應熊處置遂築壇縞素誓師開幕  
府傳檄遠近討賊總督宣賓樊一蘅亦檄知諸郡舊  
將起甘肅臣爲總統副以侯天錫楊展馬應試等會  
師大舉明年三月攻敘州復其城而副將曾英及于  
大海李占春等亦破賊於重慶兵十餘萬奉一蘅節  
制惟江津進士刁化神去年以鄉宦起兵勦賊乃鑄

好生法寶印如道士書符醜狀見官兵卽潰去本年  
又聚烏合之眾漫無紀律諸將所復之境轉被摧殘  
王祥再三申勸不聽因遣人擊殺之而并其眾時摩  
下已數萬人應熊上其事福王以一蘅爲兵戶二部  
尙書加太子太傅應熊爲經略賜上方劍王祥掛征  
討將軍印諸人拜爵有差順治三年參將楊展恢復  
川南又大破賊於江口燒沉其舟王祥與曾英以兵  
趨成都次資簡二州獻忠懼其遂北走祥與展合兵  
追之至漢州賊已遠去封遺屍而返是年十二月  
肅王誅獻賊于西充之鳳凰山僞平東孫可望等四

將之兵潰而東奔時曾英守渝賊突至出其不意英中矢顛於河重慶再陷會祥領兵順慶一路截賊應熊力不支走畢節可望等遂陷綦江屠一月順治四年賊乘祥未歸遽由綦陷遵義時樊一蘅駐兵江上窺取全蜀自重慶雲陽嘉定瀘州皆川將分據軍聲大振祥與東路總兵南川人石琳率兵晝夜疾馳復克遵義孫可望豕突黔界擾諸州縣於是全川盡爲永明王地祥請于一蘅及巡撫李乾德使石琳走肇慶告捷永明王大喜自蘅以下皆加殊寵進祥爵綦江伯勅琳掛翹蜀將軍印命仍回川勦賊自獻逆誅

後姚黃賊黨竝李闢餘槩出入川東南一帶各州縣  
亂民從風而靡殘黎無所逃命祥每提兵出勦而江  
津之游溪白沙等處殺賊尤多袁韜武大定者本十  
三家賊雖投李乾德爲腹心守重慶祥終惡其爲人  
欲手刃之以此楊展李占春等均與祥有隙順治五  
年展遣其子璟新攻祥爲祥所敗於是蜀中諸將相  
惡順治六年蜀大旱赤地千里時

王師西征永明王在桂林孫可望已據滇黔道途久梗兼  
之瘟疫流行軍中恆多疾病順治七年秋孫可望謀  
再圖蜀終忌祥據要害遣劉文秀白文選以重兵攻



遵義祥告急諸蜀軍坐視不發一卒祥與大戰於烏江賊生力軍曰蓋至祥見大勢已去不復能支因慷慨泣下言曰昔項羽敗於烏江此亦烏江無一人引手援吾不復求生也驟起馳入賊陣殺數十人乃還營自刎死時年四十二歲兵二十餘萬竝爲賊有今烏江河岸有墳俗指爲西楚霸王不知卽王祥墓祥旣沒一門大小竝遇害故無後時已封忠國公勝朝殉節諸臣錄掛征討將軍印忠國公王祥墓江人守遵義孫可望遣賊將白文選攻之兵敗被殺乾隆四

十一年

賜諡節愍任濟午撰王祥遜事祥字瑞吾蜀漢王平裔父  
學居永寧天啟中奢蘭之亂被脅不從死祥以永明  
王二年正月封榮昌伯二月晉封錦江侯四年正月  
勅總督秦蜀楚豫滇黔等處地方漢土官兵恢勦軍  
務兼理糧餉便宜行事掛行軍大將軍印兼招討事  
太子太師中軍都督府大都督左柱國晉封忠國公  
烏江兵潰走正安南嶽寺自盡葬於高坪死前題二  
絕句寺壁有今亡猶是大明臣共結君臣萬古愁之  
句妻熊氏亦深明大義永明王母寧聖慈肅后屢有  
諭賜稱旣脫簪珥以裕軍復捐資奩而佐膳至比以

韓世忠章仔均之妻聞祥死亦殉節祥五子璉璫璉璉後避居仁懷星宿溪今子孫文學斑斑然璉璫熊氏生佐父殲逆寇復保寧撫輯遵義有功永明王三年以總兵官都督同知掛永赤將軍印同祥死難文侯更姓趙居河南陳州璉珂居荊州沙市祥六世孫道清著力敦古處誦史鑑本末琅琅隱於釣能言祥事首尾曾出示永曆六勅慈肅三諭皆不虛又從祥七世孫茂才超凡所觀祥寶劍遺硯並家譜歎天之厚忠良若是纂志云祥無後何耶傳志又多言祥封綦江伯今道清家此封勅獨無而榮昌錦江反無人

道者則祥生平世多略矣祥之死史傳皆在烏江友  
人鄭珍爲余言見遵義楊明吾譜序言孫兵追祥至  
羅桿臺王師潰敗明吾蓋目擊祥事者余按陳瑄府  
志祥刎於真州之鳳皇山必非浪說羅桿臺在今正  
安城南五十里鳳皇山卽正安城內古鳳山南嶽寺  
今不存當在山上則家譜爲得實譜又載祥至寺時  
卜卜云武侯運否武穆途窮夫唱婦隨六七善終則  
就死極從容蓋見言江岸倉皇一刎者爲誤纂志更  
指烏江霸王墳實之自詡流俗不識是何見耶余感  
節愍一門忠烈故詳採逸事足信者告來許云

侯天錫 南溪縣志良柱子順治二年王應熊等起  
兵攻流寇時諸郡惟遵義爲王祥所守未破應熊入  
居之起甘良臣爲總統副以天錫集潰卒得三萬人  
是年三月攻敘州斬賊數千僞都督張化龍敗走賊  
黨馮雙禮來爭又敗之賊旋驚潰遁去遂復敘州  
周茹茶 蔣士銓撰墓誌銘明總戎彝山周公歿七  
十有九年公會孫少司馬海山公視浙學已三載捧  
家狀屬門下士蔣士銓撰墓誌再拜而謹觀之不  
敢辭按狀公諱茹茶字自曾號彝山別號丹井先世  
居楚之營道縣仕元爵萬戶公之祖隱姓名稱伏三

郎者爲濂溪先生八世孫明初徙居蜀之涪州相公  
堡二傳至升公以卒得旌官銅陵令又二傳至顯風  
公由孝廉同守開封又二傳至梓溪公官武昌郡丞  
有治行鑄鐵像於彭家澤王陽明撫贛平宸濠亂公  
轉運有功萬厯中追封虬侯生誠所公以父勲錄用  
官神樞四營副將誥封榮祿大夫娶聶氏封一品太  
夫人卽總戎公考妣生子三總戎公其季也公幼極  
聰敏旣長淹貫經史習韜鈴具文武才略崇禎甲申  
北京陷蜀有姚黃之寇張獻忠復入川三路犯涪里  
兒羣噪夜半撼公扉欲推戴弄兵公叱去之師相王

春石公鄉人也故重公適以禮聘公入幕府因仗劍  
往從至綦江奉檄佐鎮將賈聯登恢復各路明年渡  
江津永榮銅壁等十餘縣尋復捷屢上爲忌者中沮  
乃駐師時誠所公以家避難桐梓公詣軍門請以兵  
馬屬營弁楊某自往省親旋以病不能返部卒乃殺  
楊而散公方欲收合餘燼會重慶陷遂走江津謁忠  
國王公因入幕時糧饋久絕人心洶洶公勸移師正  
安就食徐規進取忠國善其議公於是率兵前驅所  
過無犯有弁犯法當斬公爲諫止忠國怒曰汝替若  
死耶公厲聲曰某死則無敢言之人若死則無敢戰

之將遂得釋軍中屬禁兵弁藏煙草者主帥坐駢戮  
有賊客匿烟貨擔中公偵知急遣僕夜往除旦鞠之  
無實盡釋去旣而遵義重慶成都等處以次收復皆  
公功朝命於是拜公湖南路總兵未幾忠國死僞秦  
王某將叛欲羅致公公逆窺其隱力拒之乃以終養  
解官去辛卯壬辰父母相繼卒康熙初挈家返涪乙  
巳迎柩於桐梓歸葬而功名之念墮矣甲寅滇逆僞  
帥慕公名遣幣聘公公擲罵曰庸奴我豈從賊者次  
子儒進曰激則致禍兒試往謝之至閬中被畱爲質  
公憤恨成疾誓不服藥長子儼出奇計往來漢沔間



竟挈弟返公大喜病爲少間庚申九月公復卧病值  
譚宏亂賊夜半薄公室二子倉卒救禦儼被重傷儒  
乃殉夫人旋以慟而卒明年都督李某欲盡殲餘黨  
爲公雪仇公亟使儿曰震霆遍摧殺戮相報寧受始  
殃勿延終禍李聞而嘆曰長者也乃止公撰著最富  
晚年盡焚之其教子則曰望汝爲一品人不望汝爲  
一品官作詞辭及彝山迂言以爲戒疾旣草仰天太  
息曰始吾疑伏波裏尸語以爲矯今而後乃知許國  
者固自有志也泣然而卒於戲公生勝國末季投筆  
從戎歷戰陣十餘載未嘗殺一不辜而全活無算古

名將陰以何愧焉泊天下初定公於傾側擾攘間用  
兵如神恢復邊城滌除凶焰有席捲風馳之勢勲名  
烈矣顧觀時知止解甲歸田賊餌爭投屹然不動乃  
至室毀雛傷老死邱園困苦不悔非道力堅凝能若  
是乎涪之人曰公少時遇道士召使學仙不可乃陰  
語人曰功名士也廿九年後當來導汝然勿嗜殺人  
厥後冒矣乙巳冬復有道士途招之請葬親訖從之  
遊後雖弗果去而屬續厯二日體尙柔和可舉或疑  
爲羽化蟬脫之異史載李泌不報人仇張詠前知來  
去各有神仙姿表公其侶與惟限於運會遂令忠義

莫伸稿形牖下亦可悲已亦可悲已公生於萬曆四十五年八月二十九日以康熙三十二年二月二十四日卒歷年七十有七配吳封夫人子二儼康熙庚午科舉人儒銅梁縣庠生乾隆七年俱旌表孝子葬涪州長里磨沱山莊子儼附之銘曰崇文定蜀閭井不驚曹彬帥師善良弗刑公兼有之完節與名桓桓將帥久乘富貴功名不終禍積爲崇公殷鑒之角巾而退不嗜殺人其後則昌忠孝之門節義文章振振繩繩偉哉侍郎塚象祈連巴山竝峙公偕赤松時一蒞止七十九年泐銘爲史劉君碩撰傳入江津城見

兵將絕。說王瑞吾移鎮真安山界。乘麥熟。因糧王善其議。八月師進。遵義戊子。復成都。

王應熊。明史本傳。字非熊。巴縣人。萬曆四十一年。

進士。天啟中。歷官詹事。崇禎六年。擢禮部尚書。東閣大學士。八年。休歸。十七年三月。京師陷。五月。福王立於南京。八月。張獻忠陷四川。乃改應熊兵部尚書。兼文淵閣大學士。總督川湖雲貴軍務。專辦川寇。時川中諸將。惟遵義未下。應熊入守之。縞素誓師。開幕府。傳檄討賊。明年。奏上方略。請敕川陝湖貴兩總督。鄖陽湖廣貴州雲南四巡撫。出師合討。并劾四川巡撫。

馬體乾縱兵淫掠草職提問命未達而南都亡體乾  
居職如故已而獻忠死諸將楊展等各據州縣自雄  
應熊不能制其部將曾英最有功復重慶屢破賊兵  
王祥亦出師綦江和犄角祥才武不及英而應熊委  
任過之又明年十月獻忠餘黨孫可望李定國等南  
走重慶英戰歿可望襲破遵義應熊遁入永寧山中  
旋卒於畢節衛

樊一蘅 明史本傳字君帶宜賓人舉萬曆四十七  
年進士崇禎十六年起兵部右侍郎總督川陝軍務  
道阻命不達順治元年福王立于南京申前命時張

獻忠已據全蜀惟遵義未陷一蘅與王應熊避其地  
既拜命檄諸舊將會師大舉明年檄諸路剋期竝進  
應熊及王祥在遵義乾英在重慶皆宿重兵賊勢日  
蹙

大清兵射殺獻忠殘賊陷碁江應熊避之畢節衛踰月賊  
陷遵義入貴州

大清兵追至重慶巡撫乾敗死遂入遵義以餉乏旋師王  
祥等復取保寧二郡一衡再駐江上爲收復全蜀計  
乃列上善後事宜及諸將功狀于永明王拜一蘅戶  
兵二部尚書加太子太傅祥等進爵有差時應熊已

卒而總制巡撫各自署置官多于民諸將侯天錫據永寧王祥據遵義搖黃諸家據夔州一蘅令不行順治六年秋九月孫可望遣白文選攻殺祥降其眾二十餘萬盡得遵義重慶一蘅益孤謝事避山中遘疾死

石琳 綦江縣志南川人以武解元成進士南川縣志載永歷四年諭石琳勅中云爾隨勳臣祥擐甲保障截擊巨寇奏凱何闕丁亥之夏萬里迎駕乃自粵返蜀卽集強弩併力勦除克復綏寧再恢遵義重慶平沅斬虜甚多遂由細米之溪直擣沅州之界三

戰三捷勳耀旌裳朕嘉爾勞命爾掛剋蜀將軍印爾  
其聽勳臣祥調度云云

聶文啟 鄭珍撰聶將軍傳明季之防水藺也順烏  
江而西設九隘簡參將遊擊駐守之余嘗攷其時將  
官始知有聶將軍抱保遵義德至鉅迄今無一人道  
者則紀述不可無也將軍名文啟字紹江先世豹封  
重慶府內衛世襲至文啟任北川總戎明天啟辛酉  
壬戌水藺兩酋相繼叛陷遵義民多死亡水烟天旺  
一帶地更相接盡爲獸藪甲子兵備道盧安世奉勅  
簡全蜀能將督師復遵文啟戰功最賊平安世以中



澤隨寶要申奏以守招徠植養十餘年四民各帖然  
就厥業崇禎己卯正月郡人張道興以妖術聚醜數  
千通水西瀾亂揮橙撒豆成騎卒遵義岌岌然文啟  
赤幘與戰陣斬之黨以瓦解張獻忠之敗死也部將  
馬寶竄入遵畏威甚計圖之招飲桃源洞妻石氏請  
設備文啟拂髯曰盍子何能爲與子世昌單騎往諭  
以大義聲色厲切酒中伏甲起父子並遇害隨行一  
犬帶血歸號於門石氏驚曰事必變矣其孫思聖生  
方周私抱置藝林中祝曰聶氏不絕兒不啼條寶至  
屠其家收其軍籍兒竟不啼爲民間收養其祖母張

獨逃免後數歲求得兒贖歸生彪爲邑諸生中澤鎮  
址在今郡南五十里三望田將臺下存手植桂一株  
父老到今猶摩挲不忍去論曰遵義自天啟之元至  
國朝順治戊戌四十年間若奢崇明安邦彥馬寶孫可  
望等紛紛蹂躪蕞爾國亦極不堪矣意必時有一二  
人維救其間求之久僅得將軍一人以捍邊豐功偉  
節若此宜春秋食昭忠祭而史志且沒其名氏血雖  
碧能無憾歟然至今二百年猶能攜剩碣遺聞使不  
一切銷滅是可信忠烈之光之卒無已時也然又安  
得更如將軍者竝書示來茲歟余尙當求之

鄭益顯

家譜江西吉水人官四川遊擊遵義兵備

道盧安世設九隘備水西以益顯守底水臨後家遵

義之西鄉殉難錄王恪揭于佐聖創築新站城時率

將領鄭益顯等往來巡視邊備悉舉益顯孫之瓏自

撰墓碣益顯從兵備使人播鎮守西夷孔昭民撰行

略

首缺

下多故曰學擊劍彎弓馬上舞八十斤大刀

如流星閃電目不給顧久之遂棄生員入

下缺

遊

擊間居久乃攜妻子寓富順環水先生時爲教諭一

見歎曰公真英雄也日夕過從快論天下至計環水

嘗謂曰國家若復用于吾二人豈能長聚耶公曰天

下事君輩努力吾自弄刀矢至今遼海沙場大小七  
八十戰幸間廢不死吾老馬不復思驤鳴矣未幾奢  
崇明反天啟元年十月遵賊將孟闕山來取富順知  
縣棄城逃環水來約公同走公曰子欲立功名此其  
時也尙何走耶因定計集勇士百餘人開門納闕山  
闕山方入城公揮劍斬之眾急反走公率勇士力追  
殺幾盡其眾告環水曰速緝縣印善守具彼決不與  
此城休矣奢賊果捲眾來圍城數匝公曰以吾力守  
此城足相持二十日然力少終必破子急潰圍出請  
師得數百人爲助賊雖數萬易走也環水騎一馬挾

勇士七人潰圍而出至成

此下缺

按環水盧安世字

教諭知縣棄城逃合通志謂安世為巴縣學博奢賊

掠城縣令死之今考奏賊起事重慶殺巡撫以下諸

官遂據重慶攻取列城不得云明省吾舊將文啟士

忠及正並世傳將家守隘無如此數人者環水欲奏

公名公不欲強以前官權守底水隘公招撫流移團

練鄉兵遵義西境隱然長城在隘十年招安祚遠來

獻渭河西岸地二百里安氏愈不

字謂王尚明經將與繼指子合文啟聶文啟正周正

土忠無考此數語蓋與安世商選隘官之言考刁化

神撰聶公平妖碑安世置隘官在天啟四年稱前官

者據前段知是罷間遊擊至此起用稱權守知不與

各隘官同奏名安酋地王公殉難錄在崇禎七年

陳志在五年此云在十年招祥遠獻地由四年置

臨推之則此與殉  
難原呈同實錄也黨屠散井里荒蕪天子歲易將相

又無一可恃者因憤極棄守家洋汪水上公時雖老

然時時不忘天下事諸臨將無不秉成策者崇禎十

一年祚遠地復歸水西道府以懷遠指揮地雖失然

降人難便裁去因遣國政耕屯沙溪視流官折俸沙

溪豪猾郭下缺  
蓋敘流賊荒年鄉里不堪獄器械俱運藏

城中計四月初二日諸臨官土司往尙明家作生日

必不及援救遂于初一日傍晚潛從上村攻城諸司

臨聞急各歸集所部會救逮至魯生已死難諸賊聞

救至上才士奇從小坎登甲等從大銀山正國等從

十二茅坡各覓路歸沙溪公馳至馬坎顧從者曰彼  
聞援至必走必不由此急趨小坎邀之生擒上才士  
奇縱馬走公追入馬桑箐士奇已縊死搜下缺按  
聖年正月初四日老神仙先至遵義鄉城聞待可望  
至卽行屠哭聲震天死者滿野公單騎道服夜入城  
見老神仙老神仙素震公名約不屠居近三十里公  
曰軍師知大西王所以敗乎屠戮太盡無人與守故  
使軍師今日至此今四川止存一遵義若再屠軍師  
及大將軍無進退地矣老神仙曰誓如公言欲羈公  
公曰老夫耄矣今皇帝中興之主軍師誠能與大將

軍匡復社稷他日垂名史冊稱中興將相前日作賊  
之非賴此以掩望軍師無忘老夫此言老神仙垂頭  
歎息顧公已持雙劍出門呼壯士持馬矣自此可望  
所過民皆安堵至貴州卽稱臣於今皇帝皆公此言  
悟之也及王祥自順慶歸公待之婁山關祥見公泣  
不能起公曰今日非一泣可了也我觀可望下缺

孫可望奔遵義在順治四年老神仙實陳士慶見寄  
園寄所寄王睿殉難紀事云賊軍師李自旺號老神仙

按益顯行略得自江津士家故冊首尾爛落中間  
亦多缺斷前之家世累歷升降後之與王節愍籌  
復遵義以至死卒皆無考然當時臨官惟周世祿



聶文啟粗得大概此文雖殘缺之餘就可讀者觀之英風偉略十具四五且已多補史傳不備則益顯於臨官中爲特詳矣茲仍原冊錄之略爲疏證待訪其全云